

Vol 23. Outubro - Dezembro

FDCH Apresenta Investimentu Rekursus Umanus TL ba ASEAN



Virtual Interface between the
ASEAN Economic Community
(AEC) Pillar and Timor-Leste



Lia Menon



Sr. Longuinhos dos Santos M.M

Presidente do CA-FDCH e
Ministro do Ensino Superior,
Ciência e Cultura - MESCC

Iha oportunidade ne'e, nu'udar Prezidente Konsellu Administrasaun Fundu Dezenvolvimentu Kapital Umanu (FDCH- sigla iha lian portugues) nian no mos Ministru Ensino Superiur, Siensia no Kultura, hakarak nafatin kumprimenta ita boot sira hotu liu husi meius komunikasaun ida ne'e no ho esperansa katak, ita hotu sei nafatin ho kondisaun saude ne'ebé saudavel. Nu'udar ita boot sira hotu hatene ona katak, mundu oras ne'e inklui mos ita-nia Nasaun doben ida ne'e hasoru hela situasaun ida difisil ho pandemia COVID-19, nune'e enkoraza nafatin ita boot sira hotu atu kuidadu a'an nafatin tanba saude iha ita nia liman rasik.

Ita konsege mos realiza duni programa balun ne'ebé mak ita trasa ona, mesmu ita utiliza deit Dotasaun Orsamentu Temporariu (DOT), ita nafatin ho disiplina ezekeuta duni DOT ne'ebé atribui mai ita. Hafoin situasaun ne'e ultrapasa, hanesan ita boot sira akompania katak, iha tinan ida ne'e nia laran ita nia Orsamentu Jeral Estadu (OJE) 2020 ho 2021 konsege aprova iha Parlamentu Nasionál hodi hasai ita husi instabilidade implementasaun DOT ne'ebé la'o kuaze tinan ida.

Ho aprovasaun OJE husi Parlamentu Nasionál ita hotu hein katak, FDCH sei implementa ho di'ak liutan planu programa haat ne'ebé mak dadaun ne'e FDCH iha mak hanesan Programa Formasaun Téknika, Programa Formasaun Profisionál, Programa Bolsa Estudu no Programa Tipu Formasaun Seluk. Sekretariadu Tekniku FDCH hatoo mos proposta ba Orsamentu Jeral Estadu tinan 2021 nian ho montante \$ 12.995.000 millaun ne'ebé mak atu finansia ba iha programa prinsipal haat ne'ebé mak importante tebes hanesan temi ona, hodi kontribui ba iha dezenvolvimentu Kapital Sosiál iha Timor-Leste.

OJE tinan 2021 ba FDCH ho montante \$ 12.995.000 millaun ne'ebé mak sei finansia ba programa prinsipal haat, hanesan formasaun profisionál ho montante \$ 1,077,800.00 formasaun téknika ho montante \$ 3,146,451.193. bolsa estudu ho montante \$ 7,764,213.66 no ikus liu tipu formasaun seluk ho montante \$ 1,006,534.41.

Nu'udar Ministru Ensino Superiur, Siensia no Kultura no hala'o mos kna'ar nudar Prezidente Konsellu Administrasaun FDCH nian, iha biban ida ne'e hakarak apela nafatin ba funsionáriu sira hotu atu mantein disiplina hodi jere orsamentu tuir kronograma no haree ba programa prioridade sira, ne'ebé mak iha, nune'e ita bele hatudu kualidade no progresu iha ezekeusaun.

Formasaun no kapasitasaun ba rekursu umanu kualifikadu importante hodi asegura implementasaun mekanismu koerente no efikásia ne'ebé promove dezenvolvimentu ekonomia Nasionál no aumenta empregabilidade ba graduadu sira husi Ensino Superiur públiku no privadu. Nune'e, mak Ministériu Ensino Superiur, Siensia no Kultura estabelese lema hodi asegura kualidade ne'e rasik ho lia fuan murak "Kualidade ba formasaun, mak sai futuru ba Nasaun".

Antes atu hakotu, hau lori Konsellu Administrasaun nia naran nu'udar Prezidente Konsellu Administrasaun no mos Ministru Ensino Superiur, Siensia no Kultura nia naran, hamutuk ho funsionáriu sira, hatoo mos ami nia Boas Festas Natál no mos Felis Tinan Foun nian ba leitor sira Bulletin FDCH nian ho esperansa katak Natal ida ne'e sei lori ksolok mai ita no tinan foun 2021 sei lori naroman foun mai ita hotu ne'ebé nakonu ho Grasa atu ita bele servisu ba Rai doben ida ne'e ho diak liu tan. Obrigadu.


Longuinhos dos Santos, M.M

Ministro do Ensino Superior, Ciência e Cultura

Lia Menon



Sra. Leila M.L. Carceres dos Santos
Diretora Executiva do
FDCH - MESCC

Trimestre ida ne'e nudar Trimestre ida ne'ebé espesial tebes, tanba ita komemora loron boot importante tolu ba ita nia nasaun doben ida ne'e, mak hanesan Komemorasau Masakre Santa Kruz no loron Nasionál Juventude no mós Loron Proklamasau Unilateralmente Independensia RDTL ba dala 45 no ikus liu mak Selebrasaun loron Nasionál Ensinu Superior no Kultura no mós loron Mundial Siensia ba Paz no mós Dezenvolvimentu.

Esperitu luta ne'ebé ita nia eroi sira hatudu mai ita iha tempu barak liu ba ne'ebé nakonu ho domin, responsabilidade no determinasaun ho hanoin ida deit katak ita tengki hetan ukun rasik an. Ita nia eroi sira nia mehi ohin loron sai realidade duni no ita konsege hamrik metin nudar Nasaun ida.

Haree ba sakrifisiu sira ne'ebé mak ita nia eroi sira halo ba rai doben ida ne'e, entaun hakarak mós enkoraza sani nain sira hotu mai hamutuk banati tuir esperitu ne'ebé eroi sira husik hela, komvida ita hotu atu hamutuk dezenvolve liu tan rekursu umanu iha ita nia rai hodi nunee bele kontribui ba dezenvolvimentu iha ita nia nasaun doben ida ne'e.

Trimestre ida ne'e nudar mós rohan ba tinan fiskal 2020, planu barak ita trasa ona, lós duni balun ita konsege implementa no balun ita la konsege implementa tanba ita hasoru hela situasaun rua ne'ebé ita hotu hatene mak ita laõ ho Dotasaun Orsamentu Temporariu no mós Pandemia Covid-19.

Hanesan ita boot sira akompaña iha media katak iha tinan ida ne'e nia laran ita nia Orsamentu Jeral Estadu (OJE) 2020 ho 2021 konsege aprova iha Parlamentu Nasionál hodi hasai ita husi DOT ne'ebé laõ kuaze tinan rua resin. Ho nunee ita espera katak programa sira ne'ebé mak ita planu ona bele laõ ho normal. Maske nunee ita mós tengki nafatin ho kuidadu tanba sei iha mós Pandemia Covid-19 ne'ebé maka sei kontinua la fo espasu mai ita atu hakat dook liu tan.

Orsamentu ne'ebé aprova ba FDCH iha tinan 2021 ho montante 12.995.000 millaun ne'ebé mak sei finansia ba programa prinsipal haat FDCH nian ne'ebé mak hanesan formasaun profesionál ho montante \$ 1,077,800.00, formasaun téknika ho montante \$ 3,146,451.193, bolsa estudu ho montante \$ 7,764,213.66, ikus liu tipu formasaun seluk ho montante \$ 1,006,534.41.

Iha oportunidade ida ne'e, nudar Diretora Ezekutiva FDCH nian, hamutuk ho funsionariu tomak ne'ebé haknar an iha ST-FDCH hatoo mós ami nia desezo Natal no Felis Ano Novo 2021 ba sani nain tomak, no fiar katak iha tinan foun 2021 mai ne'e sei lori naroman foun mai ita hotu haraik mai ita esperitu foun hodi servi ba ita nia nasaun ho diak liu tan.

Obrigada.

Leila M.L. Carceres dos Santos
Diretora Executiva do FDCH-MESCC

2. **Lia Menon Ministru MESCC**
3. **Lia Menon Diretora Ezekutiva FDCH**
4. **Editoriál**
5. **Koloka Bolseiru Graduadu Tuir Sira nia area**
11. **Estudu ho Estajiu Profisional Bele**
14. **FDCH Halo Monitorizasau ba Lian Korea**
14. **FDCH Kontinua Halo Monitorizasaun ba**
18. **Formasaun sira ne'ebé organiza husi Liña**
18. **Ministerial**
18. **Relatóriu Ezekusaun Orsamentu**
19. **Liñas Ministeriais Akreditadas**
20. **LIAN BENEFISIARIUS FDCH**
26. **Lensa FDCH**
34. **Perfil FDCH**

Responsável Jeral :

Leila M.L. Carceres dos Santos, Diretora Ezekutiva FDCH

Responsável Gabinete Jestaun Sistema Informasaun

Henrique do Rosario (Koordenador GAGESI)

Responsável Redasaun:

Maxi Boavida (Chefe Departamentu Media no Relasaun Públika)

Editor : **Maxi Boavida & Joanico D. Guterres**

Editor Texto : **Joanico D. Guterres**

Jornalista & Fotógrafu : **Joanico D. Guterres, Maxi Boavida, Rui A.F. da Silva**

Grafismu & Layout : **Maxi Boavida & Joanico D. Guterres**,

Responsável Gabinete Aprovisionamentu no Logistika

Eusebio Barreto (Koordenador GAPLO)

Responsável Aprovisionamentu

Domingos Fernandes (Xefi Dep. DEAP)

Secretariado Técnico

Fundo de Desenvolvimento do Capital Humano (FDCH)

Eis Edifício do MF Edifício 5, 10 Andar, Palácio do Governo,

Dili, Timor-Leste .

website: www.fpch.gov.tl

youtube : **FDCH-MESCC**

fanpage facebook: Fundo de Desenvolvimento do Capital Humano

- FDCH

email: info@fdch.gov.tl

BOLETIM TRIMESTRAL DO FDCH PROPRIEDADE:

Secretariado Técnico do

Fundo de Desenvolvimento do Capital Humano (FDCH)

IMPRESSÃO: Grafica Nacional, Lda

Estrada de Taibesi Dili, Timor-Leste

TIRAGEM: 700 Exemplares

EDIÇÃO: Janeiro - Março de 2020

DIREITO DE AUTOR: Protegido

PUBLICAÇÃO:

Secretariado Técnico do FDCH

Sani nain Bulletin FDCH ne'ebé mak ami hahí. Nudár ita hotu hatene katak Mundu tomak inklui Timor-Leste hasoru hela dezafiu boot ne'ebé mak kontinua tenta ita ne'ebé mak ita hotu hatene mak Pandemia COVID-19 nune'e fiar katak ita hotu nafatin ho kondisaun ne'ebé saudavel.

Trimestre ida ne'e nudar trimestre ida ne'e espesial tebes ba ita Timoroan hotu, ita selebra lora boot 12 Novembru ne'ebé nudar lora Joventude Loriku Aswain nian no mós lora 28 Novembru ne'ebé nudar Lora Proklamasau Independensia Unilateralmente nasaun doben RDTL nian. Espera ho lora importante sira ne'e ita hotu nafatin ho esperitu patriotismo no nasionalismo hodi servi ita nia Nasaun hanesan mós ho ita nia Eroí sira ne'ebé saran ona sira nia an hodi liberta ita nia nasaun.

Hafoin tinan naruk ita enfrenta mós situaun difisil seluk liga mós ho orsamentu ne'ebé mak difikulta tiha planu sira hotu ne'ebé mak ita trasa ona, maibé liu husi meus komunikaun ida ne'e hakarak kongratula ba funsionáriu sira iha ST-FDCH ne'ebé mak ho vontade maka'as hodi kontinua serbí públiku.

Hafoin situaun ne'e ultrapasa, hanesan ita boot sira akompaña katak iha tinan ida ne'e nia lara ita nia Orsamentu Jeral Estadu (OJE) 2020 ho 2021 konsege aprova iha Paralemtu Nasionál hodi hasai ita husi DOT ne'ebé la'o kuaze tinan ida resin.

Ho aprovasaun OJE husi Parlamentu Nasionál ita hotu hein katak FDCH sei implementa ho di'ak liutan planu programa haat ne'ebé mak dadaun ne'e FDCH iha mak hanesan Programa Formasaun Teknika, Programa Formasaun Profisional, Programa Bolsa Estudu no Programa Tipu Formasaun Seluk. Sekretariadu Tekniku FDCH hatoo mós proposta ba Orsamentu Jeral Estadu tinan 2021 nian ho montante \$ 12.995.000 millaun ne'ebé mak atu finansia ba iha programa prinsipal haat ne'ebé mak importante tebes hodi kontribui ba iha deenvolvimentu rekursu umanu iha Timor-Leste.

OJE tinan 2021 ba Fundo de Desenvolvimento do Capital humano (FDCH) ho montante \$ 12.995.000 millaun ne'ebé mak sei finansia ba programa prinsipal haat FDCH nian ne'ebé mak hanesan formasaun profisional ho montante \$ 1,077,800.00 formasaun téknika ho montante \$ 3.146.451.193. bolsa estudu ho montante \$ 7.764.213.66, ikus liu tipu formasaun seluk ho montante \$ 1,6006.534.41.

Iha trimestre ida ne'e redasaun mós prepara ona informasaun importante lubuk ida relasiona ho atividade sira ne'ebé mak durante trimestre ne'e FDCH hala'o mak hanesan Koloka Bolseirus Graduadu tuir sira nia area estudu ho estajiu profesioonal, FDCH hala'o audensia publiku ho komisaun C no G parlamentu Nasionál, Monitoriza programa Vizita Estudu Alunu 5 CPOS IDN iha Munisipi, laos informasaun hirak ne'e deit maibe sei iha mos informasaun importante lubuk ida mak Redasaun prepara ona.

Ikus liu redasaun mós hakarak hatoo Boas Festas Natal tinan 2020 no mós Feliz ano Novo 2021 ba lee nain Bulletin Trimestral FDCH sira hotu ne'ebé maka sempre akompaña ami nia atividade atraves Bulletin Trimestral ida ne'e.

Ikus liu redasaun rekoñese katak Produsaun Bulletin Trimestral ida ne'e sei dook-hosi perfeitu tanba ne'e prezisa nafatin sujestaun no kritika konstrutivu hosi sani nain sira. La haluha mós agrade se ba kooperasaun no servisu hamutuk equipa tomak iha ST-FDCH nune'e hodi finaliza tan Bulletin FDCH nian iha trimestre ikus ida ne'e.



Koloka Bolseiru Graduadu Tuir Sira Nia Area Estudu Ho Estájiu Profisionál

FDCH kontinua organiza programa estajiu profisional ba bolseiru graduadu sira hodi lori bolseiru sira ba merkadu traballu hafoin sira termina sira ninia estudu iha rai-laran no rai-li'ur tanba liu husi estajiu profisional ne'e sira bele manan esperiensiencia no aplika matenek ne'ebé sira hetan durante sira hala'o sira ninia estudu iha banku universidade nian.

Fundo de Desenvolvimento do Capital Humano (FDCH) kontinua loka oportunidade ba bolseiru graduadu sira hodi koloka sira ba hala'o estájiu iha instituisaun sira tuir sira ida-idak ninia area estudu hafoin sira termina tiha sira ninia estudu iha universidade sira iha rai-laran no rai-li'ur.

Iha fim do ano 2020 nian FDCH rejista bolseiru sira ne'ebé atu integra ba programa Estájiu Profisionál aumenta ba beibeik tanba ne'e FDCH tenke halo ezersisiu boot ida hodi buka meus oin-oin, nunee, bele koloka bolseiru sira ne'ebé rejistu ona iha programa hanaran Buka Tuir Benefisiariu (BTB) hodi hatene sira ninia paradeiru bainhira termina sira nia estudu fila mai servisu iha ne'ebé no servisu tuir duni sira nia area ka lae?

Ho nunee, ne'e liu husi programa ne'e konsege deteta bolseiru balun seidauk hetan servisu no difisil tebes atu hetan servisu tanba sira la iha esperiensiencia servisu, nunee, FDCH organiza programa estájiu profisionál ba bolseiru graduadu sira hodi lori sira ba hala'o estájiu tuir sira ida-idak ninia area estudu hodi bele aplika matenek ne'ebé sira hetan iha banku universidade ba servisu real no bele manan mos esperiensiencia servisu durante sira hala'o estájiu.

Iha loron 19/11/2020, ofisalmente FDCH koloka bolseiru graduadus na'in 23 ne'ebé termina ona sira ninia estudu iha area Peskas no Estudu Marino iha universidade sira iha Indonesia ho nivel estudu Diploma IV ho III hodi hala'o estájiu profisionál durante fulan neen (6) iha Ministériu Agrikultura no Peska (MAP).

Bolseiru graduadu hirak neê gradua husi instituisaun ensinu superior sira iha Indonézia hanesan Sekolah Tinggi Perikanan Jakarta, Politeknik Kelautan dan Perikanan Sidoarjo, Politeknik Kelautan dan Perikanan Bitun, Sekolah Tinggi Perikanan Jakarta, Politeknik Perikanan Negeri Tual.

Iha intervensaun Diretora Ezekutiva FDCH Sra. Leila Carceres dos Santos hatete ho estájiu profisionál neê nu'udar oportunidade ida ba bolseiru graduadu sira hodi manán esperiéncia servisu tuir area estudu bolseiru ida-idak nian no bele tama mós ba iha merkadu traballu.

“Imi bele aprende servisu iha fulan neen nia laran neê, para atu bele hatene servisu realidade iha peska nian, realidade iha ministériu nian no imi bele kontribui imi nia matenek neêbé imi hetan iha rai-li'ur depois bele ajuda ministériu,” hatete Diretora Ezekutiva FDCH ba estajiáriu sira iha salaun Konferénsia MAP, Comoro.

Durante estájiu FDCH sei la selu saláriu kada fulan maibé sei fó insentivu ba estajiáriu sira hodi bele utiliza ba sira ninia nesesidade báziku loron-loron nian durante fulan neen bainhira halaõ estájiu.

Aleinde neê Diretór Jerál Interinu MAP Sr. Horacio Amaral Guterres neêbé simu estajiáriu hirak neê agradece ba FDCH hodi koloka estajiáriu hirak neê ba halaõ estájiu iha MAP tanba neê atu estajiáriu, nunêe, MAP sei koloka estajiáriu sira tuir area estudu ida-idak nian tuir diresaun sira neêbé MAP iha.

Reprezentante bolseirus graduadu sira, Artur Maria Pereira lori bolseiru graduadu sira nia naran hato'o agradece ba FDCH neêbé organiza programa estájiu profisionál neê hodi bele fó oportunidade ba sira halaõ estájiu iha instituis-

aun neêbé relevante ho sira ninia estudu.

“Agradece ba FDCH neêbé servisu maka'as, hodi ami mai iha MAP halaõ estájiu profisionál ida neê, tanba situausaun ohin loron ami atu hetan no sai voluntáriu de'it mós susar tebes,” hateten bolseiru graduadu neê.

Serimónia alokasaun estajiáriu neê partisipa husi Koorde-nadór (GAGESI-FDCH) Sr. Henrique do Rosario, Koorde-nadora GAFRHI-FDCH Sra. Josefina Gonçalves, Diretór Rekursus Umanus MAP ho Asesor sira no ekipa téknika husi FDCH.

Estájiu Profisionál neê rasik lansa iha 2019 no to'o ohin loron benefisia ona bolseirus graduadu besik 100, nunêe, husi programa estájiu profisionál neê rasik konsege lori bolseiru sira ba merkadu traballu iha instituisaun estadu sira hodi servisu tuir sira idak-idak ninia area estudu. (Média_FDCH)





Bolseiru Graduadus Sira Apresenta-an Mai FDCH Hafoin Termina sira nia Estudu

Bolseiru graduadu na'in 8 ne'ebé termina ona sira nia estudu ho nivel mestradu iha Portugal apresenta-an mai Fundo de Desenvolvimento do Capital Humano hafoin termina tiha sira ninia estudu no fila hikas mai Timor-Leste.

Bolseiru graduadu hirak ne'e hala'o sira ninia estudu iha Universidade Coimbra, Universidade do Minho, Évora no Instituto Politecnico de Santarem iha area estudu sira hanesan Direito Fiscal e Tributaria, Direito Administração, Ensino Lingua Portuguesa, Ciência Ambiente no Saúde Animal.

Koordenadór Gabinete do Gestão e Sistema de Informação (GAGESI) Sr. Henrique do Rosario Representa Diretora Executiva FDCH ne'ebé halo enkontru ho bolseiru hirak ne'e sente orgulhu ho susesu bolseiru sira nian tanba sira termina ona sira ninia estudu hodi fila mai kontribui matenek ne'ebé sira hetan iha banku universidade nian ba nasaun.

Durante enkontru FDCH kongratula bolseiru graduadu sira tanba sira termina ona sira nia estudu no iha possibilidade bolseiru graduadu hirak ne'e sei integra iha programa Estájiu Profisionál ba sira ne'ebé seidauk hetan servisu ba

iha instituisaun relevante sira tuir sira ida-idak ninia area estudu.

akompaña mós iha enkontru ho bolseiru hirak ne'e Koordenadóra Gabinete Administração Finanças e Recursos Humanos Internos (GAFRHI) Sra. Josefina Gonçalves do Nascimento.

Bolseiru graduadu sira ne'e hala'o sira ninia estudu iha rai-li'ur ne'ebé organiza husi Lina Ministerial no Instituisaun estadu akreditadu sira ne'ebé finansia husi Fundo de Desenvolvimento do Capital Humano.

(Média-FDCH)



FDCH Relata Taxa Ezekusaun DOT Planu Programa ba LM no Institusaun Akreditadu sira



Sekretariadu Tékniku Fundo de Desenvolvimento do Capital Humano (ST-FDCH) realiza enkontru koordinasaun ho Liña Ministerial (LM) no Instituisaun Akreditadu sira hodi apresenta kona ba taxa ezekusaun Dotasaun Orsamentu Temporaria (DOT) no Orsamentu Jerál Estadu (OJE) 2020 nian.

Objetivu hosi enkontru durante loron balun ne'e, atu hato'o programa taxa eze-kusaun DOT kada instituisaun ne'ebe akredita mai FDCH nomos planu eze-kusaun Orsamentu Jerál Estadu (OJE) 2020 ba fulan Novembru to'o Dezembru ba instituisaun akreditadu sira liu-liu iha programa formasaun no bolsa estudo nian.

Enkontru ne'e rasik lidera husi Direto-ra Ezekutiva Fundo de Desenvolvemento do Capital Humano (FDCH) Sra. Leila M.L. Carceres dos Santos hodi apresenta kona-ba progresu sira ne'ebe durante ne'e FDCH atinje no nafatin enkoraja LM no instituisaun akreditadu sira atu prepara planu no programa tuir nesiedade no prioridade instituisaun ida-idak nian.

Durante enkontru Koordinadór sira husi kada Gabinete iha ST-FDCH hanesan Koordinador GAPPEFIV Sr. Hermenegildo da Silva, Koordinador GASEPA Sr. Adérito Soares, Koordinadora GAFRHI Sra. Josefina Gonçalves, Koordinador GAGESI

Sr. Henrique do Rosario no Coordenador GAPLO Sr. Eusebio A.G. Barreto halo mós apresentasaun kona-bá sira idak idak ninia servisu hodi nune'e LM no Instituisaun akreditadu sira bele iha konesimentu ba servisu sira ne'ebe iha hanesan ezekusaun orsamentu Jerál Estadu(OJE) FDCH ne'ebe hetan ona aprovasaun husi Parlamentu Nasionál (PN) no taxa ezekusaun DOT husi fulan Janeiru to'o Setembru 2020 no mós ho regra aprovizionamentu, lista obrigatóriu husi benefisiariu sira ba programa formasaun no bolsa estudo ne'ebé Liña Ministerial no Instituisaun estadu sira organiza.

Enkontru ne'e rasik realiza iha salaun enkontru SAMES Aitaran Laran, ne'ebé partisipa másimu hosi, Diretór Rekursus Umanus no Pontu Fokál sira hosi Liña Ministerial no Instituisaun Estadu Akreditadu sira FDCH nian.

Iha enkontru ne'e diretor rekursus umanus no pontu fokál sira sujere atu kontinua hametin liutan koopersaun servisu husi instituisaun estadu akreditadu sira ho FDCH, nune'e, bele apoiu maka'as liutan ba dezvoltamentu rekusus umanus pais ne'e nian.

Papél FDCH nian mak asegura jestaun finanseira iha investimentu públiku liu-liu iha area formasaun ho dezvoltamentu rekursus umanus nasional liga ho Planu Estratéjiku Dezenvolvimentu Nasionál

(PEDN) 2011-2030 iha faze segundu, hodi hametin instituisaun iha rai laran liu husi edukasaun ida ne'ebé ho kualidade iha instituisaun ensinu superior sira.

FDCH kontinua servisu hamutuk ho parte hotu hodi asegura programa dezvoltamentu ba rekursus umanus atu bele aliña ho programa VIII Governu nian ne'ebé estabesele ona. (Média_FDCH)





FDCH Hala'o Audiência Pública ho Komisaun C ho G PN

Fundo de Desenvolvimento do Capital Humano (FDCH) halo audiência ho Komisaun C Parlamentu Nasionál ne'ebé trata asuntu Finansas Públika no Komisaun G ne'ebé trata asuntu Edukasaun, Juventude Kultura no Sidadania.

Audiência ho komisaun C ho Komisaun G ne'e hala'o iha tempu ne'ebé la hanesan, iha loron 13/11/2020 hala'o audiencia publiku ho komisaun C ne'ebé realiza iha sala plenaria Parlamentu Nasionál no iha loron 16/11/2020 FDCH hala'o Audiência ho Komisaun G ne'ebé realiza iha sala reuniaun komisaun G nian.

Durante audiencia Diretora Ezekutiva FDCH Sra. Leila Carceres dos Santos hatoo relatóriu ezeekusaun orsamentu 2020 no planu proposta OJE 2021 ne'ebé sei finansia programa sira ne'ebé ejiste iha FDCH.

Orsamentu FDCH nian iha 2020 ho montante millaun \$10.7, no Proposta Orsamentu FDCH nian ba 2021 ho montante millaun \$12.995.000, ne'ebé kontinua tau prioridade hodi finansia ba programa prinsipál haat ne'ebé FDCH iha hanesan : 1) Formasaun Profisional, 2) Formasaun Téknika, 3) Bolsa Estudu no 4) Tipu Formasaun seluk.

Alokasaun orsamentu ba 2021 iha prgrama haat ne'e mak hanesan Formasaun Profisional ho montante orsamentu hamutuk \$1,077.800. Formasaun Téknika \$3.146. 452 . Bolsa Estudu \$7.764.215. no Tipu Formasaun Seluk \$ 1.006. 533.

Durante audiencia deputadu sira apresia ho servisu sira ne'ebé durante ne'e FDCH hala'o maibe kontinua husu atu hadi'a di'akliutan ninia ezeekusaun iha 2021 no presiza halo mós avaliasaun ba ezeekusaun programa sira ne'ebé implementa ona.

Nune'e mos, deputadu sira husu FDCH atu socializa ninia servisu ba too iha munisipiu sira nune'e comunidade sira iha munisipiu no

postu sira bele iha mós konsesimentu kona-bá servisu FDCH no oinsa atu asesu ba apoiu sira ne'ebé FDCH iha bainhira sira hala'o estudu iha ensinu superior.

Audiência ho komisaun C realiza iha sala plenaria ne'ebé dirije husi Prezidente Komisaun C Sra. Deputada Maria Agelica Rangel no audiência G prezide husi Prezidente Komisaun G S.E Sr. Deputadu Antonio Verdial no partisipa masimu husi deputadu no deputada sira membru komisaun G nian.

Akompaña mós Diretora Ezekutiva FDCH partisipa iha audiência sira ne'e Koordinadór (GAPPEFIV-FDCH) Sr. Hermenegildo da Silva, Coordenador GASEPA-FDCH Sr. Aderito Soares, Coordenadora GAFRHI-FDCH Sra. Josefina Gonçalves, Xefi DEPEFIV-FDCH Sra. Maria Rosa Soares Pinto, no mós Xefi DESTI-FDCH Sr. Ivo J.B. Belo no Asesora Téknika FDCH Sra. Ana Paula dos Santos.





OJE 2020 ba FDCH Pasa Iha Diskusaun Espesialidade

Orsamentu Jeral Estadu (OJE) ba Fundo de Desenvolvimento do Capital Humano (FDCH) ba tinan 2020 ho montante millaun \$10,732,213.98 resin neêbé finansia programa prinsipál haat (4) hanesan Formasaun Téknika, Formasaun Profisionál, Bolsa Estudu no Tipu Formasaun seluk pasa ho maioria iha diskusaun espesialidade iha Parlamentu Nasionál ho votu afavor 44, abstensaun 19 no kontra 2.

OJE 2020 nia alokasaun ba FDCH ho montante \$10,732,213.98 neêbé distribui ba programa ha'at (4) maka hanesan ; Formasaun profisionál ho montante \$785,030.00 ; Formasaun Téknika ho montante \$1,309,810.00 ; Bolsa Estudu ho montante \$6,785,408.89 ; Formasaun tipu seluk ho montante \$1,851,965.09.

Orsamentu ba formasaun Téknika neê rasik sei benefisia Funsionáriu Públiku sira neêbé hala'o sira nia knaar iha Liña Ministériu no Instituisaun Esta-

du sira neêbé akredita mai iha FDCH. Formasaun Profisionál sei benefisia públiku timoroan sira liu husi SEFOPE hodi prepara joven sira ba merkadu traballu iha rai-laran no rai-li'ur .

Programa Bolsa Estudu nian sei benefisia timoroan hotu tantu funsionáriu públiku no públiku jerál hodi hasa'e sira nia abilidade iha nivel akadémiku no Tipu Formasaun Seluk sei finansia programa formasaun ba Instituisaun Seguransa, Defeza no Ministériu Públiku, iha mós Liña Ministerial balun neêbé ninian programa kapasitasaun inklui mós iha tipu formasaun neê .

Hahú husi 2011 to'o mai ohin lora Liña Ministerial no Instituisaun Estadu neêbé akreditadu mai iha FDCH hamutuk 52 neêbé iha priviléjiu hodi asesu ba orsamentu FDCH hodi halo kapasitasun ba rekursus umanus iha area oin-oin tuir nesidade instituisaun ida-idak nian.

Tanba neê numeru benefisiariu neêbe rejista iha FDCH tuir ninia programa haat neê kuaze 80 mill resin (Média_FDCH)



FDCH Halo Monitorizasaun ba Formasaun Lian Korea



Monitorizasaun ba programa sira neêbê implementa husi instituisaun estadu akreditadu nu'udar papél prinsipál ida husi Diretora Ezekutiva Fundo de Desenvolvimento do Capital Humano (FDCH) nian bazeia ba dekreto lei númeru 13/2020 15 de Abril iha artigu 11 Kompeténsia Diretora Ezekutiva FDCH nian neêbê iha Alínea h hatete Diretora Ezekutiva FDCH iha kompeténsia monitoriza programa, projetu no atividade sira neêbê finansia husi FDCH.

Ho nuneê iha loron 20/10/2020 Diretora Ezekutiva FDCH Sra. Leila Carceres dos Santos lidera ekipa ida hodi halo monitorizasaun no haree direita formasaun lian Korea neêbê implementa husi Korean Studies and Languages Program (KSLP) ba foin-saê timoroan sira iha Sentru Formasaun Lian Korea Becora .

Finansiamentu ba Formasaun neê tinan-tinan Finansia husi FDCH liuhusi Sekretariu Estadu Formasaun Profisionál no Empregu (SEFOPE) liga ba programa formasaun profisional hodi prepara timoroan sira ba merkadu traballu iha rai-laran no rai li'ur.

Atividade monitorizasaun neê realiza ho objetivu hodi haree direita lala'ok programa formasaun lian Korea nian ba kandidatu traballadór timoroan sira tanba formasaun neê rasik tinan-tinan finansia husi FDCH liu husi liu-husi programa formasaun profisional ba timoroan sira hodi prepara sira ba servisu iha rai-laran no rai-li'ur.

Durante monitorizasaun Diretora Ezekutiva FDCH ho ekipa halo enkontru ho Diretór Nasionál Empregu Exterior SEFOPE Sr. Filomeno Soares, no halo mós vizita ba fatin formasaun sira, iha oportunidade hanesan akompaña mós ezame ba kandidatu traballadór sira neêbê atu ba servisu iha Korea iha area peska no area sira seluk tan.

Formasaun ba timoroan sira iha lian Korea nian nu'udar programa prinsipál ida husi governu fasilita timoroan sira hatene lingua hodi bele lori sira ba servisu iha Korea nuneê bele kontribui ba redusaun númeru dezempregu iha Timor-Leste neêbê kada tinan kontinua aumenta ba bebeik.

Programa haruka timoroan sira ba servisu iha rai-li'ur lori benefisiu ida di'ak ba ekonomia familia no mos ba ekonomia nasaun nian, to'ò ohin loron timoroan barak ona mak hetan oportunidade ba servisu iha Korea iha area oin-oin. (Média_FDCH)





Monitoriza Programa Vizita Estudu Alunu 5º CPOS IDN iha Munisipiu

“Ida neê sai mós hanesan formasaun ka realidade ida neêbé presiza tebes alunu sira ba to’o iha pos-
tu atu konfirma no haree situasaun realidade neêbé akontese bainhira sira halo estudu kona-bá area
fronteira no ida neê bele ajuda sira bainhira sira fila ba aula atu prepara sira nia teze,” hatete Diretora
Ezekutiva Leila Carceres.

Diretora Ezekutiva Fundo de Desenvolvimento do Capital Humano Sra. Leila Caceres dos Santos ho ekipa neêbé kompostu husi Koordinadór Gabinete ba Planu Fiskalizaun no Verifikasaun (GAPPE-FIV) Sr. Hermenegildo da Silva ho ekipa tékniku sira halo monitorizasaun no akompaña alunu sira 5º Curso Promoção a Oficial Superior (CPOS) iha Instituto de Defesa Nacional (IDN) hodi halo vizita estudu ba munisipiu tolu hanesan Bo-

bonaro, Covalima no Aileu .

Objetivu husi monitorizasaun neê hodi akompaña, haree direita lalaok programa formasaun no vizita estudu iha terrenu liu-liu iha munisipiu sira neêbe alunu sira 5º CPOS ba vizita hodi rekolla dados no informasaun sira neêbe relevansia ho sira ninia estudu durante iha aula.

Kursu neê CPOS neê rasik organiza husi IDN no finansia husi Fundo de Desenvolvimento do Capital Humano.

Diretora Ezekutiva FDCH Sra. Leila Carceres dos Santos bainhira akompaña vizita estudu neê sente orgulhu tanba haree alunu sira ativu tebes hodi halibur dadus , informa-saun neêbê sira presiza no konsidera mós programa moni-torizasaun ba atividade vizita estudu neê nu'udar monitor-izasaun ba dala uluk iha ninia mandatu sai hanesan diretora ezekeutivu FDCH.

“Ida neê sai mós hanesan formasaun ka realidade ida neêbê presiza tebes alunu sira ba toò iha postu atu konfirma no haree situasaun realidade neêbê akontese bainhira sira halo estudu kona-bá area fronteira no ida neê bele ajuda sira bainhira sira fila ba aula atu prepara sira nia teze,” hatete Diretora Ezekutiva Leila Carceres.

Area neêbê alunu sira foku hodi halo vizita maka postu Integradu FALINTIL Forsa Defesa Timor-Leste (F-FDTL) no postu sira Unidade Polícia Fronteira nian hanesan iha Munisipiu Bobonaro, Covalima no RAEOA hodi bele hal-ibur dadus no informasaun esensiál sira kona-ba seguransa durante neê no dezafiu sira neêbê UPF enfrenta iha terrenu. Alunu iha 5º Curso Promoção a Oficial Superior neê hamu-

tuk na'in 28 neêbê kompostu husi Kapitaun F-FDTL na'in 20 no Inspetór Xefe PNTL na'in 8 neêbê hahú ona kursu iha fulan Fevereiro 2020 no tuir planu sei remata iha fulan Fevereiro 2021.

Tanba neê liu husi vizita estudu ba munisipiu sira alunu sira bele haree direita saida mak akontese iha Postu UPF sira no bele fó oportunidade ba alunu sira atu halibur dadus no informasaun hodi prepara ba hakerek sira ninia teze hodi apresenta bainhira atu termina sira ninia kursu .

Vizita estudu ba area fronteira sira nu'udar mós matéria ida iha formasaun tanba ho vizita estudu neê fó oportunidade ba alunu sira hodi bele haree besik liu kondisaun servisu sira iha fronteira sira . (Média_FDCH)





FDCH Kontinua Halo Monitorizasaun ba Formasaun sira ne'ebé organiza husi Liña Ministerial

Governu Ukun ho vizaun estratéjika ida, katak investe ba iha rekursu umanus, iha infra-estrutura nian, iha dezvoltamentu agrikola no rurál, dezvoltamentu setór privadu no iha promosaun investimentu esternu. Só ho vizaun ne'e, ita bele dezvoltolve polítika ida husi kreximentu ekonómiku ne'ebé permite kriaun empregu ne'e bele aumenta rendimentu no hamenus dependénsia ba rai-liur sasan esensial, hadia mós prestasaun servisu ne'ebé esensial ba populasaun no Jere ho matenek no hatu'ur loloos rekursu sira.

Liuhoi politika VIII Governu Konstituisional, kontinua konsidera nafatin hodi aloka orsamentu ba FDCH hodi finansia ba Instituisaun ka linas Ministeriais sira. FDCH finansia programa 4 (ha'at) hanesan formasaun profisional, teknika, bolsas estudo no tipu formasaun seluk. Formasaun ne'ebe fornese tenke alina hó objetivu Instituisaun sira, liu-liu ba dezvoltamentu kompetensia umana hanesan konesementu, abilidade, no hadia atitude. Tanba ne'e tinan fiskal 2019 aloka orsamentu hó total hamutuk USD 20,000,000.00 hodi finansia projetu total hamutuk 382.

Fundo de Desenvolvimento do Capital Humano (FDCH) nia papel importante mak haktuir objetivus Fundo alinea (d) hateten katak "Promove transparénsia no responsabilidade liu husi mekanizmu no prosedimentu ba sistema relatóriu no prestasaun orsamentu kona-ba prosesu ezekusaun programa formasaun no projetu dezvoltamentu ba kapitál umanu".

Hó nune'e, tuir Decreto-Lei N.º 13/2020, 15 Abril, seksaun II, artigo 11.º kona - ba kompetensias Diretora Ezekutiva alinia (h) ko'alia espesifikamente kona-ba monitora programa, projeitus no atividade

hotu-hotu ne'ebé finansia husi FDCH.

Objetivu husi monitorizasaun ida ne'e maka Atu hatene kona ba projetu ka atividade nia ezistensia Atu verifika no monitoriza implementasaun programa no atividade sira tuir planu; Atu sukat kona-ba kualidade no kuantidade beneficiariu sira nian husi programa ne'ebe hetan ona finansiamentu; Atu monitoriza lalaok servisu hosi instituisaun projeitu nain sira nia servisu atu halo levantamentu ida kona-ba kondisaun instituisaun ka fornecedor bá formasaun nia kualifikasaun no akreditasaun.

Haree ba objetivu husi monitorizasaun ne'e rasik mak Secretariado Tecnico do Fundo de Desenvolvimento do Capital Humano (ST-FDCH) konsinte katak importante tebes atu kontinua halo monitorizasaun ba formasaun sira ne'ebé maka la'o dadaun no ne'ebé mak hetan finansiamentu husi Fundo. Nune'e maka ST-FDCH orienta teknika sira hodi tun direita ba iha terenu nune'e atu bele haree, observa no akompaña direktamente prosesu no lalaok formasaun sira.

Formasaun sira ne'e hotu organiza husi Liña Ministerial sira mak hanesan INAP ne'ebé área formasaun mak hanesan Jestaun Eskritoriu, Jestaun Lideransa Tekniku, Formasaun Protokolu no S.O.P, formasaun husi INAP sira ne'e realiza iha Munisipiu Baucau, Lautem, Manatutu, Manufahi, Aileu, Covalima, Ainaru, Liquisa no Dili enkuantu PJR ho nia área formasaun mak hanesan formasaun tramitasaun enkeritu no realiza iha Munisipiu Baucau no Covalima.

Entertantu Orsamentu ne'ebé fundu aloka ba iha INAP ho montante 77.629.05 no orsamentu ne'ebé aloka ba iha PGR ho montante 5.504.5 (Media-FDCH)

OJE Tinan Fiskal 2021 Ba FDCH Passa Iha Diskusaun Espesialidade



Atu desenvolve planu rekursu umanu nasional hodi suporta ba desenvolvimentu nasional iha areas oinoin, hadi'a di'ak liu tan planu, jestaun no implemmentasaun programa no mos garante lalaok programa ho ninian ezekeusaun orsamentu publiku ne'ebé transparente ho despeza governu ninian relasiona ho Kustu sira ba formasaun, bolsa estudu no programa sira ba desenvolvimentu rekursus umanus iha Timor-Leste no atu asegura jestaun finanseiru ba investimentu publiku iha area formasaun no desenvolvimentu rekursu umanu nasional;

Garantia seguransa ba negosiasaun, asinatura ba akordu sira no projetu plurianuais no nafatin Mantén verba sira orsamentu ne'ebé prevé ba FDCH iha final tinan fiskal ho objetivu atu garantia continuidade programa no projetu formasaun;

hodi Promove transparénsia no responsabilidade liu husi mekanizmu no prosedimentu relatóriu no prestasaun servisu sobre prosesu ezekeusaun programa formasaun no projetu desenvolvimento kapital umanu.

Haree ba programa haat ne'ebé mak dadaun ne'e FDCH iha mak hanesan Programa Formasaun Teknika, Programa Formasaun Profisional, Programa Bolsa Estudu no Programa Tipu formasaun seluk ne'ebé mak importante tebes hodi kontribui ba iha desenvolvimento rekursu umanu iha Timor-Leste nunee mak Sekretariadu Tekniku FDCH hatoo mos proposta ba Orsamentu Jeral Estadu tinan 2021 nian ho montante \$ 12.995.000 millaun ne'ebé mak atu finansia ba iha programa prinsipal haat ne'ebé mak dadaun ne'e FDCH iha.

Orsamentu Jeral Estadu tinan 2021 ba Fundo de Desenvolvimento do Capital humano (FDCH) ho montante \$ 12.995.000 millaun ne'ebé mak sei finansia ba programa prinsipal haat FDCH nian ne'ebé mak hanesan formasaun profisional ho montante \$ 1.078.000, formasaun téknika ho montante \$ 3.146.000, bolsa estudu ho montante \$ 7.764.000, ikus liu tipu formasaun seluk ho montante \$ 1.0007.

Orsamento Geral do Estado Fundo de Desenvolvimento do Capital Humano (FDCH) ba tinan 2021 ho montante \$ 12.995.000 millaun ne'e rasik pasa iha diskusaun especialidade OJE 2021 ho votos afavor 42, abstensaun 0 no kontra 0. (Media FDCH)





FDCH Apresenta Investimentu Governu Nian Iha Area Rekursus Umanus ba ASEAN

“FDCH nakloke hodi estabeselese kooperasaun no kolaborasaun iha futuru ho ASEAN neêbê espe-sífiku iha area kapasitasaun kualifikadu ba traballadór timoroan sira”

Fundo de Desenvolvimento do Capital Humano (FDCH) hetan priviléjiu ida iha trimestre ikus tinan neê nian hodi partilla rezultadu investimentu neêbê Governu Timor-Leste halão iha area rekursus umanus hahú husi 2011-2020 ba comunidade internasionál liu-liu Komu-nidade Ekonómiku Association of South East Asian Nations (ASEAN) liu husi enkontru Virtual neêbê realiza iha Ministériu Negósiu Estranjeiru no Kooperasaun (MNEC).

Enkontru Virtual neêbê Timor-Leste halão ho Komunitade Ekonómiku ASEAN neê halão durante loron tolu hahú husi 7-9/ 12/2020 neêbê ho oradór sira husi Liña Ministériu no Instituisaun autonomu sira neêbê ninia servisu liga liubá iha area ekonomia nian.

Diretora Ezekutiva FDCH Sra. Leila Carceres dos Santos hola parte hanesan oradór iha loron ikus hodi apresenta ko-na-bá prioridade Governu Timor-Leste nian hodi investe iha area rekursus umanus hahú husi FDCH ninia ejistensia mai toô ohin loron neêbê forma ona timoroan iha area oin-oin liga ho prioridade nasaun nian.

Benefisiariu ba programa FDCH nian hahú husi 2011-2020 tuir dadus neêbê iha hamutuk 82,026 neêbê mai husi pro-grama haat hanesan Formasaun Profisionál ho ninia bene-fisiariu 32,677. Formasaun Téknika ho ninia Benefisiariu 32,788. Bolsa Estudu ho ninia Benefisiariu 5,266 no Tipu Formasaun Seluk ho ninia benefisiariu hamutuk 11,295.

Investimentu ba rekursus umanus nu'udar prioridade ida nasaun nian tuir Planu Estratéjiku Dezenvolvimentu Nasionál (PEDN 2011-2030) ne'ebé Timor-Leste hatuur ona hodi lori Timor-Leste ba rendimentu médiu alto .

Iha futuru FDCH kontinua tau prioridade atu finansia programa Training for Trainers hodi hasa'e kualifikasaun treinador sira iha area sira ne'ebé importante bazeia ba nesidade nasaun nian.

FDCH kontinua aloka orsamentu kada tinan ba sentru formasaun sira hanesan sentru treinamentu públiku no privadu sira ne'ebé hala'o atividade formasaun iha area prioridade sira hanesan agrikultura, Konstrusaun, Turizmu no Hopitalidade , no kontinua finansia programa estájiu profisionál.

Aléinde ne'e FDCH nakloke hodi estabelese kooperasaun no kolaborasaun iha futuru ho ASEAN ne'ebé espesífiku iha area kapasitasaun kualifikadu ba traballador timoroan sira.

Komunidade Ekonómiku ASEAN fó apresiasaun ba investimentu ne'ebé Governu Timor-Leste halo iha area rekursus umanus nasaun foun ne'e nian.

Enkontru virtual ne'e hanesan pasu importante ida ba Timor-Leste nia jornada ba adezaun ba ASEAN.

Akompaña Diretora eze kutiva partisipa iha enkontru virtual ne'e Koordinador (GAPPEFIV-FDCH) Sr. Hermenegildo da Silva, Asesora Teknika ST-FDCH Sra. Ana Paula

dos Santos no Xefe Departamentu (DESTI-GAGESI) Sr. Ivo Juvito Boavida Belo.

Enkontru ne'e kria espasu ida ba fahe hanoin no obeservasaun ne'ebé di'ak no produtivu entre ASEAN no Timor-Leste kona-ba progresu no planu ba futuru iha Timor-Leste nia política ekonómika sira.

Timor-Leste partilla informasaun kona-ba oinsá nasaun nia política no estratejia sira planu atu aliña ho ASEAN nia aspirasaun sira, no simu sujestaun ne'ebé di'ak kona-ba oinsá nasaun bele enderesa lakuna sira ne'ebé agora dadauk eziste iha nia dezenvolvimentu.

Timor-Leste toma nota ona ba komentáriu sira no sei servisu maka'as liu-tan hodi prienxe nasaun nia obrigasaun sira iha pilár ekonomia nia okos. Timor-Leste mos asegu- ra katak nasaun sei preparadu ba tranzisaun ne'ebé diak ba ASEAN nia ekonomia.

Prosesu adezaun Timor-Leste nia ba ASEAN hahu kedas iha 2011 no to'o ohin loron Governu Timor-Leste kontinua tau iha prioridade hodi investe maka'as iha setor importante sira nune'e bele lori Timor-Leste hola parte mos iha ASEAN.

Ohin loron ASEAN ho ninia membru sira hamutuk sanulu (10), ne'ebé hanesan tuir mai Filipina, Indonesia, Malazia, Singapura, Tailandia, Brunei Darusalam, Vietnam, Laos, Mianmar no Kamboza.

(Média_FDCH)



Relatório Taxa Execução Orçamento FDCH Janeiro- Dezembro 2020

Tabela no. 1 Taxa Execução Orçamento cada Programa

Kode	Tipu Programa	Orçamento Alokado 2019 (USD)	Total Despesa (USD)	Total Balansu (USD)	Persentase (%)
304	Formasuan Profisional	785,030.00	1,118,154.00	5,996.00	99 %
313	Formasuan Técnica	1,309,810.00	1,325,412.35	558,453.65	70 %
314	Bolsa Estudo	6,785,408.89	5,007,338.88	1,277,298.01	80 %
315	Tipu Formasuan Seluk	1,851,965.09	239,889.55	1,418,064.22	44 %
Total Orçamento		10,732,213.98	8,868,969.45	1,863,244.53	83 %

* Observação tabela 1º iha leten, hatudu taxa execução ba programa ha'at (4) durante fulan sanulu resin rua (12) nia laran iha tinan 2020, observa katak FDCH aumenta ona 83% persentase nebe'e koresponde ho despesa USD 8,868,969.45

Tabela no. 2 Beneficiário baseia ba Tipu programa no Jeneru

Kode	Tipu Programa	Número Feto	Persentase (%)	Número Mane	Persentase (%)	Número Total Beneficiário
304	Formasuan Profisional	549	32 %	1,830	49 %	2,379
313	Formasuan Técnica	416	24 %	825	22 %	1,241
314	Bolsa Estudo	371	22%	557	15%	928
315	Tipu Formasuan Seluk	377	22 %	557	15 %	922
Número Total		1,713	100%	3,757	100%	5,470

Tabela 2. descreve número total beneficiário baseia ba tipu programa no jeneru. Haktuir dados apresenta iha tabela katak número total beneficiário nain **5,470**. Distribuição frequência número beneficiário feto **1,713** representa **100%** (persentase), no número beneficiário Mane **3,757** representa 100 % (persentase). Apresentação dados igualdade jeneru basea ba tipu programa hotu-hotu, hatudu katak número beneficiário mane bot liu kompara número beneficiário feto.

LIÑA MINISTERIAL AKREDITADU IHA FDCH

Lista tabela, Instituição akreditadas iha ST- FDCH hó número total 52, Inclui Secretario Tecnico do FDCH.

1.	Presidência República(PR)
2.	Tribunal Rekursus (TR)
3.	Inspesun Jeral Estadu (IGE)
4.	Komisaun Anti Korupsaun (CAC)
5.	Ministériu Obras Públicas, (MOP)
6.	Instituição Nacional Formasun ba Dosentes no Profisional Edukasaun, (INFORDEPE)
7.	Ministériu Transportes no Komunikaun, (MTC)
8.	Ministériu Defesa (MD)
9.	Ministériu Finansa (MF)
10.	Komisaun Nasionál Aproveitamentu (CAN)
11.	Provedoria Direitus Humanus no Justisa (PDHJ)
12.	Universidade Nasionál Timor Leste (UNTL)
13.	Polisia Sientífica Investigasaun Kriminal (PCIC)

1.	Presidência República(PR)
2.	Tribunal Rekursus (TR)
3.	Inspesun Jeral Estadu (IGE)
4.	Komisaun Anti Korupsaun (CAC)
5.	Ministériu Obras Públicas, (MOP)
6.	Instituição Nacional Formasun ba Dosentes no Profisional Edukasaun, (INFORDEPE)
7.	Ministériu Transportes no Komunikaun, (MTC)
8.	Ministériu Defesa (MD)
9.	Ministériu Finansa (MF)
10.	Komisaun Nasionál Aproveitamentu (CAN)
11.	Provedoria Direitus Humanus no Justisa (PDHJ)
12.	Universidade Nasionál Timor Leste (UNTL)
13.	Polisia Sientífica Investigasaun Kriminal (PCIC)

14.	Instituisaun Nasional Administrasaun Públika (INAP)
15.	Ministériu Justisa (MJ)
16.	Prokuradoria Jeral Republika, (PGR)
17.	Sekretária Estadu Igualdade no Inklusaun (SEII)
18.	Ministériu Negósius Estrangeirus no Kooperasaun (MNEC)
19.	Falintil - Forsa Defesa Timor Leste (F-FDTL)
20.	Ministériu Interior (MI)
21.	Polisia Nasional Timor Leste (PNTL)
22.	Ministériu Edukasaun Juventude no Desportu (MEJD)
23.	Ministériu Turismu Komérsiu, no Indústria (MTCI)
24.	Ministériu Saúde (MS)
25.	Sekretaria Estadu Komunikaun Sosial, (SECOMS)
26.	Programa Nasional Dezenvolvimentu Sukus, (PNDS)
27.	Ministériu Administrasaun Estatal, (MAE)
28.	Sekretariadu Tékniku ba Fundu Dezenvolvimentu Kapital Umanu, (ST-FDCH)
29.	Sekretaria Estadu Artes no Kultura, (SEAC)
30.	Ministériu Agrikultura no Peskas, (MAP)
31.	Ministériu Solidariedade Sosial no Inklusaun, (MSSI)
32.	Sekretaria Estadu ba Formasaun Profesiunal no Empregu (SEFOPE)
33.	Presidência Konsellu Ministrus, (PCM)

34.	Radio Televizaun Timor Leste, (RTTL)
35.	Komisaun Funsau Publika, (CFP)
36.	Sentru Nasional Empregu Formasaun Profisional TIBAR, (CNEFP)
37.	Ministériu Ensinu Superiór Siensia no Kultura, (MESCC)
38.	Ministériu Petroleun Minerais, (MPM)
39.	Sekretariu Estadu Juventude no Despostu, (SEJD)
40.	Autoridade Portuária Timor-Leste (APORTIL)
41.	Autoridade Inspesaun no Fiskalizaun Atividades Ekonomia no Sanitaria, (AIFAESA)
42.	Gabinete Fronteiras Maritimus, (GFM)
43.	Agência Nasional ba Avaliasaun Akreditaun no Akademika , (ANAAA)
44.	Aeroportus no Navegasau Aérea Timor-Leste (ANATL E.P.)
45.	Arkivu no Museun Resistência Timorense (AMRT)
46.	Sentru Nasional Rehabilitasaun, (CNR)
47.	Institutu Nasional Dezenvolvimentu “Mão de Obra”, (INDMO)
48.	Sekretáriu Estadu Kooperativas,(SECOP)
49.	Hospital Nasional Guido Valadares, (HNGV)
50.	Ministériu Coordenador Asuntu Ekonomia, (MCAE)
51.	Konsellu Imprensa Timor-Leste, (CITL)
52.	Instituisaun Defesa Nasional, (IDN)

Klasifikasaun Instituisaun, Despezas Orsamentu no Númeru Benefisiariu

Nu	Instituisaun	Despezas (USD)	Numeru Benefisiariu		
			Feto	Mane	Total
1.	MESCC	2,455,105.42	149	235	384
2.	ST-FDCH	1,721,656.87	418	531	949
3.	SEPFOPE	991,000.00	390	1637	2027
4.	UNTL	1,121,815.00	81	72	153
5.	MS	518,943.97	70	112	153
6.	MJ	375,400.00	49	102	151
7.	INFORDEPE	689,661.60	34	57	91
8.	IDN	252,108.75	141	341	482
9.	PGR	162,585.71	26	93	119
10.	F-FDTL	221,464.00	22	125	147
11.	MF	76,078.89	1	2	3
12.	SERN/MPRM/MPM	49,000.00	140	131	271
13.	MNEC	31,500.00	1		1
14.	CNR	48,652.00	5	8	13
15.	ANATL	28810	3	3	6
16.	SEJD	21,406.10	1		1
17.	SEM/SEPI/SEII	7,030.00		1	1
18.	PNTL	6,409.14		1	1
19.	RTTL	1,400.00			
20.	MD	1,050.00		1	1
21.	INAP	87,393.00	182	305	487
22.	MI	499			
Total		8,868,969.45	1713	3757	5470



Lian Benefisiariu:

Lee na'in Bulletin FDCH nian ne'e ami hahi, iha trimestre ne'e Redasaun prepara ona informasaun kona-ba programa LIAN BENEFISIARIU, ne'ebé sei halo publikasaun kona-ba susesu benefisiariu sira nian iha programa bolsa estudo ne'ebé governu tau nudár prioridade hodi investe maka'as nune'e bele prepara ninia emar sira atu servisu iha area oin-oin hodi kontribui ba dezvoltamentu nasaun nian.


Tanba ne'e atu hatene hafoin sira termina sira nia estudo fila mai sira servisu iha ne'ebé no kontribuisaun saida mak sira kontribui ba dezvoltamentu nasaun nian iha trimestre ida ne'e Redasaun halibur informasaun balun husi benefisiariu sira iha area bolsa estudo nian ne'ebé termina sira nia estudo iha nasaun sira hanesan Brazil no Filipina.

Geovanio Frederico de Jesus Vinhas : Merkadu Tráballu ba Bolseiru Sira Boot Tebes

Geovanio Frederico de Jesus Vinhas foin-sa'e ida husi Munisipiu Lautem ne'ebé hetan bolsa husi Governu Timor-Leste hodi ba hala'o estudo iha universidade Estadual de Paraíba Brasil iha area estudo Ciencia de Computação no ohin loron servisu nu'udar Junior Software developer iha Agência Tecnologia da Informação e Comunicação TIC TIMOR IP.

Bolseiru graduadu ne'e konsidera impaktu ba bolseiru ne'e boot tebes maibé depende ba merkadu no bolseiru rasik, se nia iha preparasaun ne'ebé di'ak.

"Nu'udar bolseiru, ha'u hanoin impaktu ba iha merkadu traballu ba bolseiru sira ne'e boot tebes, maibe tuir ha'u nia haree, depende mós ba merkadu no depende mós ba bolseiru rasik tanba se kuandu preparadau liu bele benefisia ba ita nia-an se ita preparadu si'ak," hateten Bolseiru graduadu ne'e ba Media_FDCH foin lalais ne'e.



Nu'udar bolseiru graduadu konsidera programa bolsa ne'e di'ak tebes, maibe presiza mellora esperesia servisu ba bolseiru sira kuandu remata ona estudu, ezemplu hamosu estajiu profisional ba bolseiru sira atu sira bele iha esperensia nun'e'e fasil asesu ba iha merkadu servisu tanba atu tama ba servisu esperensia servisu ne'e importante tebes.

"Ita tenke iha planu ne'ebé di'ak bainhira governu atu fo bolsa ba sidadaun sira ba eskola iha rai-li'ur tenke identifika keda saida mak instituisaun sira presiza, atunune'e bainhira bolseiru sira fila bele iha keda area servisu ne'ebé prepara ba sira," sujere Geovanio Frederico de Jesus.



Nia dehan ohin loron institusaun governu nian barak mak sei uza, asesor sira husi rai-liur tanba ne'e bele haree mós kestaun ne'e bele fó oportunidade ba timoroan sira ne'ebé governu investe ona ba sira hodi koloka iha fatin sira ne'ebé iha.

"Ha'u hanoin, ohin loron iha instituisaun barak mak sei uza asesor internacional sira, mezmú tekniku profisional mos sei uza ema husi li'ur entaun governu bele investe ba timoroan sira iha ne'eba," dehan nia.

Bolseiru graduadu ne'e ohin loron servisu nu'udar Junior Software developer iha Agência Tecnologia da Informação e Comunicação TIC TIMOR IP ne'ebé daudaun ne'e hetan fiar atu desenvolve mós programa governu eletrônica ne'ebé sei desenvolve unique ID ba sidadaun sira.





Fidelis Bery Ass : Kontinua Investe iha Rekursus Umanus Hodi Kontribui ba Dezenvolvimentu

Fidelis Bery Ass foin-sa'e ida husi Munisipiu Laut-em ne'ebé hetan bolsa husi Governu Timor-Leste iha 2012 hodi ba hala'o estudu iha universidade Estadual de Paraiba Brasil iha area Direitu no termina ninia estudu iha 2017, ohin loron Fidelis Bery Ass servisu iha area supervizaun bankaria iha Banco Central de Timor-Leste (BCTL).

Bolseiru graduadu ne'e konsidera programa governua nian ba investimentu iha area rekusus umanus importante tebes no investimentu ne'e fó valor ida boot tebes ba dezenvolvimentu nasaun nian iha setor oin-oin.

"Impaktu ba Investimentu ne'ebé governu fó iha valor boot, tan-ba bainhira ita haruka ita nia ema no ita nia rekursus umanus ba iha nasaun seluk no ba aprende ho ema nia sistema no lori sistema ne'e mai iha ita nia rai ida ne'e buat di'ak ida ne'ebé bele kontribui ba ita nia rai," hateten Fidelis Bery Ass ba Ekipa Média-FDCH bainhira dada lia ho nia foin lalais ne'e.

Tuir nia ho investimentu ne'ebé governu halo fó impaktu ne'e boot tebes tanba bele ajuda rekursusu umanus iha instiuisaun estadu no governu nian bainhira bolseiru sira ne'e termina estudu no fila hikas mai Timor-Leste.

"Ami ne'ebe reingresa mai lubuk ida mak hetan ona servisu hodi kontribui ba ita nia nasaun, maske ami mai iha preiudu ida ne'ebé ita ninia situasaun iha rai laran iha hela tensaun

politka no ita ninia instituisaun sira la loke vaga, defisil duni iha periudu ne'ebá atu enkaisa iha instiuisaun ruma hodi servisu ba, maibe buat hotu la'o di'ak no Banco Central loke vaga ha'u konkore no iha tinan kotuk ha'u konsege tama iha Banco Central to'o ohin loron hala'o servisu iha supervizaun bankaria nian," hateten bolseiru graduadu ne'e.

Nu'udar bolseiru graduadu hato'o agradesimentu ida klean tebes ba governu ne'ebé investe ona ba sira maibe kontinua rekomenda ba governu atu kontinua nafatin investetimentu iha area rekursus umanus nunee bele kontribui maka'as liutan ba dezenvolvimentu nasaun nian iha setor hotu-hotu.



Anastasia do Espírito Santos: Eskola Iha Rai-Li'ur Impatu Boot Tebes Ba Ha'u



Anastasia do Espírito Santos foin-sa'e ida husi Muni-sipiu Baucau ne'ebé hetan bolsa estudu husi Ministeriu Edukasaun iha 2008 ne'ebé finansia husi Fundo de Desenvolvementu do Capital Humano hodi ba hala'o ninia estudu iha nasaun Filipina iha Miriam Colege University iha area Finance and Investment Management.

"Ha'u lembra iha momentu ne'eba ema barak tebes, iha ema hamutuk mill e tal mak tuir inskrisaun ba bolsa ne'e, depois ami tuir teste iha parte rua, primeiru ema husi mill ne'e du-jentos mak pasa no tuir mai teste segundu Cento e tal mak pasa, ha'u ba iha Filipina iha 2009, iha ne'eba ha'u eskola iha Meriam Colege, iha kolegiu ne'ebé ekluzivamente iha feto de'it," dehan bolseiru graduada ne'e bainhira dada lia ho ekipa Média_FDCH.

Bolsiera graduada ne'e haktuir nia foti estudu iha area Finance and Investment Management tanba gosta no atu melo-ra liután koñesimentu iha area Finansa, iha investimentu no area estudu ne'e iha oportunidade barak tebes atu asesu ba iha kampu traballu no bele mós kria servisu ba ba ninia-an rasik no ba ema seluk mós.

Durante hala'o estudu, aprende buat barak, hanesan aprende halo negósiu no investimentu mai husi profesor sira ne'ebé ho kualifikadu di'ak tebes, entaun ida ne'e sai hanesan baze ida

ba ha'u ho teorikamentu hodi ha'u bele preapra ha'u nia-an ba iha kampu traballu.

Hafoin termina estudu iha 2013, fila mai Timor-Leste, hahú servisu temporaria durante fulan rua iha Diresaun Nasionál Impostu Domestika, Ministeriu Finansa hodi apoiu rejistu kompañia sira durante fulan rua, no iha 2014 konkore ba vaga Junior profesionál no pasa iha teste hodi servisu nu'udar Plaining officer iha Diresaun Nasionál Deskonsentrassaun Finanseira iha Ministeriu Finansas, hafoin servisu durante tinan ida ho balu konkore fali vaga iha Fundu de Desenvolvi-mentu do Capital Humano no pasa iha vaga ne'e nunee ohin loron sai nu'udar Xefe departamentu Pagamentu iha Gabi-nete do Sistema Pagamento (GASEPA-FDCH).

Anastasia do Esperito Santos informa husi bolsa ne'ebé hetan lori impaktu ida ne'ebé boot tebes ba nia pesoal no bele kon-tribui mós ba dezvoltamentu nasaun nian liuhusi servisu ne'ebé nia hala'o iha instituisaun governu ne'ebé daudaun ne'e nia haknar-an ba.

"Iha ami nia tempu iha 2008 governu investe ba ema barak tebes ba eskola iha rai-li'ur impatu boot tebes ba ha'u, tanba baihira ha'u haree fila fali ha'u nia-an iha 2008 -2013, ha'u haree ha'u ema ida ne'ebé diferente. Mesmu iha tempu ne'eba maske seidauk iha esperiensiencia maibe ha'u iha ona baze ida atu asesu ba kampu traballu, no mai tiha servisu to'o ohin loron ha'u iha ona esperiensiencia ne'ebé naton hodi apoiu servisu iha instituisaun governu," hateten tan beneficiariu ne'e.

Nia konsidera mós ho estudu ne'ebé nia foti iha mós oportu-nidade atu sai mós entrepreneurship hodi loka empreza rasik no loka servisu ba ema seluk hodi kontribui ba dezen-volvementu nasaun nian.





CAPS Aprova Proposta Apoiu Financeiru Ba Estudante Universitariu 592 iha 2020

Comitê de Avaliação Proposta e Subsidio (CAPS), Fundo de Desenvolvimento do Capital Humano halo diskusaun hodi hato'o pareser aprovasaun ba propostas subsidiu individuias hamutuk 592 iha tinan 2020.

Proposta husu apoiu financeiru ne'e estudante sira ne'ebé hala'o sira ninia estudu iha rai-laran no rai-li'ur hatama mai iha Sekretariadu Tékniku Fundo de Desenvolvimento do Capital Humano hamutuk 889 maibé proponente balun la prienxe kritéria ne'ebé estabelese hanesan, valor ikus la to'o 2.75 ba sira ne'ebé hala'o estudu iha area siénsia naturais no valor ikus la to'o 3.00 ba sira ne'ebé hala'o estudu iha area siénsia sociais, nune'e mós proponente balun ninia dokumentu ne'ebé submete la kompletu nune'e fó tempu ba sira atu kompletu.

CAPS ne'e realiza bazeia ba Diploma Ministérial n.o 19/2017, 03 de Maio (Estrutura Orgânica do Secretariado Técnico do Fundo de Desenvolvimento do Capital Humano), haktuir iha



pontu h-Artigo 100 ne'ebé hanesan baze legal ida bá Prezidente CAPS no Membru CAPS hodi diskute, disidi no foti desizaun bazeia bá "Sistema de Mérito".

Ho nune'e enkontru CAPS ne'e rasik dirije direita hosi Diretora Executiva FDCH Sra. Leila M.L. Carceres dos Santos ne'ebé nu'udar Prezidente ba CAPS ho ninia membru na'in lima (5) ne'ebé kompostu hosi koordinadór sira iha gabinete FDCH



nian hanesan, Coordenadora Gabinete da Administração, Finanças e Recursos Humanos Internos (GAFRHI), Sra. Josefina Gonçalves do Nascimento, Coordenadór Gabinete do Plano Pesquisa, Fiscalização e Verificação (GAPPEFIV), Sr. Hermengildo da Silva, Coordenadór Gabinete dos Serviços dos Pagamentos (GASEPA), Sr. Aderito Soares, Coordenador Gabinete do Gestão e Sistema de Informação GAGESI Sr. Henrique do Rosário no koordinadór Gabinete do Aprovisionamento e Logística (GAPLO) Sr. Eusebio A. G. Bareto.

Paresér aprovasaun ba proposta subsídiu individuais neê realiza kada trimestre neêbê realiza iha Salaun Enkontru “Diretora Executiva do FDCH”, Edifício do FDCH 5, 10 Andar Palácio do Governo, Dili, Timor-Leste .

Iha futuru FDCH sei haree didiak proposta husi proponente sira no sei ajusta ho “lista de controlo ou check list” molok atu apresenta ba CAPS, nuneê hodi bele ajuda Presidente CAPS no membru CAPS sira hodi disidi no foti dezisaun bazeia ba “Sistema de Mérito” proponente sira nian.



Iha futuru FDCH mós sei la simu proposta neêbê ma’ak nia tabela orsamentu laiha, valor média la prienxe kriteria ba valor média mínimu 2,75 ba Siência Naturais no 3,0 ba Siência Sociais neêbê termina ona husi Conselho da Administração do FDCH.

Kriteria jerais atu aplika ba subsídiu individuais maka tenki dirije proposta husu apoiu estudu ba Diretora Ezekutiva FDCH neêbê kompleta ho tabela orsamentu, tinan hahú estudu no tempu atu termina estudu no kompleta dokumentus hotu-hotu neêbê fó sai hosi Sekretariadu Tékniku FDCH, hanesan notas kada semester, karta deklarasaun livre teoria husi Universidade, Título Monografia no dokumentu seluk neêbê prezisa.

Apoiuh subsídiu neê sei fó dala ida de’it ba estudante ida dala ida wainhira hetan rekomendasaun hosi CAPS hodi elabora no hatoo pareser ba CA-FDCH. (Média_FDCH)





Diretora Ezekutiva FDCH Sra. Leila Carceres dos Santos partisipa iha serimonia bem-Vindo ba Konsellu foun ANATL.EP ba periodu II 2020.



Diretora Ezekutiva FDCH Sra. Leila Carceres dos Santos partisipa iha serimonia bem-Vindo ba Konsellu foun ANATL.EP ba periodu II 2020.



Diretora Ezekutiva FDCH Sra. Leila Carceres dos Santos partisipa iha serimonia bem-Vindo ba Konsellu foun ANATL.EP ba periodu II 2020.




Diretora Ezekutiva FDCH Sra. Leila Carceres dos Santos hatòninia diskursu iha serimónia Graduasaun Professional Training Program on English for Health and Medical Professional etapa dahuluk nian, iha salaun enkontru HNGV.



Diretora Ezekutiva FDCH Sra. Leila Carceres dos Santos entrega sertifikadu ba formadu ida nêbe termina ona kursu English for Health and Medical Professional.



Diretora Ezekutiva FDCH Sra. Leila Carceres dos Santos ho Diretor sira iha HGNV koa kek no loka sampana hodi selebra gradusaun ba formandu sira.



FDCH hola parte mos iha serimonia asina kontratu SEFOPE ho kompania sira ne'be atu simu estajiariu sira husi sentru formasaun ne'be durante finansia husi SEFOPE.



Koordenador GAPPEFIV-FDCH Sr. Hemegildo da Silva hato'o breves palavras iha serimonia asina kontratu SEFOPE ho kompania sira ne'be atu simu estajiariu sira.



Sekretariu Estadu SEFOPE Sr. Alarico do Rosario no Koordenador GAPPEFIV-FDCH Sr. Hermenegildo da Silva sai hanesan sasin ba estabelesimentu kontratu entre benifisiariu sira ho kompania.




Diretora Ezekutiva FDCH Sra. Leila Carceres dos Santos partisipa iha serimonia despedida ho bolseiru Timor oan nain 14 ne'ebe dezloka ba hala'o estudu mestradu iha Japaun.



Sesaun foto hamutuk bainaka espesial sira ne'be partisipa iha seimonia despedida ho bolseiru Timor oan sira ne'ebe atu dezloka ba hala'o estudu mestradu iha Japaun.



Sesaun foto hamutuk bainaka espesial sira ne'be partisipa iha seimonia despedida ho bolseiru Timor oan sira ne'ebe atu dezloka ba hala'o estudu mestradu iha Japaun.



Ministru MAPKOMS Sr. Francisco Jeronimo komversa hela ho Ministru MESCC Sr. Longuinhos dos Santos iha okaziaun Komemorasaun Loron Nasionál Ensinu Superiór no Kultura neêbe realiza iha Salaun Katedral.



Vise Primeira Ministra Sra. Armanda Berta, Prezidente Komisaun G PN Sr. Antonio Verdial partisipa iha Komemorasaun Loron Nasionál Ensinu Superiór no Kultura neêbe organiza husi MESCC, iha Salaun Katedral.



Diretora Ezekutiva FDCH Sra. Leila Carceres partisipa iha Komemorasaun Loron Nasionál Ensinu Superiór no Kultura neêbe realiza iha Salaun Katedral.




Vise Primeira Ministra Sra. Armanda Berta hamutuk ho bainaka espesial sira koa kek Komemorasaun Loron Nasionál Ensinu Superiór no Kultura, Aniversáriu ANAAA ba dala 10, Aniversáriu UNTL ba dala 20 no Loron Mundiál Siénsia ba Paz no Dezenvolvimentu.



Representante sira husi Ensinu Superior publiku no privadu partisipa iha Komemorasaun Loron Nasionál Ensinu Superiór no Kultura neêbe organiza husi MESCC, iha Salaun Katedral.



Sesaun foto hamutuk hafain Komemora Loron Nasionál Ensinu Superiór no Kultura, Aniversáriu ANAAA ba dala 10, Aniversáriu UNTL ba dala 20 no Loron Mundiál Siénsia ba Paz no Dezenvolvimentu. Iha Salaun Katedral.



Diretora Ezekutiva FDCH Sra. Leila Carceres dos Santos sai hanesan oradór iha loron ikus hodi apresenta kona-bá Timor-Leste nia hodi investimentu iha area rekursus umanus ba Komunitade Ekonomiku ASEAN



Diretora Ezekutiva FDCH Sra. Leila Carceres dos Santos sai oradór iha loron ikus hodi apresenta kona-bá Timor-Leste nia hodi investimentu iha area rekursus umanus ba Komunitade Ekonomiku ASEAN



Diretora Ezekutiva FDCH Sra. Leila Carceres dos Santos hasai foto hamutuk ho orador sira no Diretora ausntu ASEAN hafoin partisipa iha enkontru virtual ho comunidade ekonomiku ASEAN.



Ekipa Monitorizasaun husi FDCH halo monitorizasaun ba programa formasaun Gestão Escritorio Basico ba funsionáriu públiku no ajente administrativo sira iha Munisipiu Lautem ho Baucau.



Ekipa Monitorizasaun husi FDCH halo monitorizasaun ba programa formasaun Gestão Escritorio Basico ba funsionáriu públiku no ajente administrativo sira iha Munisipiu Lautem ho Baucau.



Ekipa Monitorizasaun husi FDCH aleinde halo monitorizasaun entrega mos Livru LDRH ba Administrador Munisipiu Lautem.



Koordenadór GAPPEFIV) Sr. Hermenegildo da Silva Representa Diretora Ezekutiva FDCH partisipa iha serimónia enserramentu Kursu Indusaun Jerál 2020 ba Funsionáriu públiku sira iha salaun formasaun INAP Comoro.



Diretora FDCH Sra. Leila Carceres dos Santos halo apresentasaun relatoriu ezeekusaun OJE 2020 FDCH nian ba Komisaun G Parlamentu Nasional.



Formandus ba kursu Indusaun Jerál hamutuk na'in 176 ne'ebé mai husi liña ministériu hanesan Ministériu Saúde, Ministériu Obras Publika no IPB Betano.




Diretora Ezekutiva FDCH Sra. Leila Carceres dos Santos akompana husi koordenador sira halo audiensia ho Komisaun G Parlamentu Nasional.



Sesaun foto hamutuk Formandus ho bainaka sira no dirijente sira husi INAP hafoin enserra kursu indusaun jeral.



Deputadu sira husi Komisaun G Parlamentu Nasional ne'ebé hola parte iha audiensia ho FDCH.



Diretora FDCH Sra. Leila Carceres dos Santos konversa hela ho Diretor CNEFP Tibar ho Diretor SEFOPE iha okaziaun serimonia intrega sertifikadu ba formandus Timor oan 21 ne'ebé termina oan formasaun iha área máritima.



Diretora FDCH Sra. Leila Carceres dos Santos simu souvenir husi Asesor GIZ bainhira partisipa iha serimonia intrega sertifikadu ba formandus Timor oan 21 ne'ebé termina oan formasaun iha área máritima.



Sesaun foto hamutuk formandu sira ho bainaka especial sira hafoin simu tiha sertifikadu formasaun iha área máritima nian.




Diretora Ezekutiva FDCH Sra. Leila M.L. Carceres dos Santos akompaña husi Koordinadór sira halo enkontru ho PNTL ho TLPDP hodi ko'alia kona-ba estratéjia dezvoltimentu rekursus umanus PNTL liu-liu iha area especialidade sira.



Diretora Ezekutiva FDCH Sra. Leila M.L. Carceres dos Santos akompaña husi Koordinadór sira halo enkontru ho PNTL ho TLPDP hodi ko'alia kona-ba estratéjia dezvoltimentu rekursus umanus PNTL liu-liu iha area especialidade sira.



Diretora Ezekutiva FDCH Sra. Leila M.L. Carceres dos Santos akompaña husi Koordinadór sira halo enkontru ho PNTL ho TLPDP hodi ko'alia kona-ba estratéjia dezvoltimentu rekursus umanus PNTL liu-liu iha area especialidade sira.



Diretora Ezekutiva FDCH Sra. Leila M.L. Carceres dos Santos akompana husi ekipa halo monitorizasaun no akompana vizita estudu alunu 5 CPOS- IDN ne'êbe kompostu husi kapitaun F-FDTL no Inspektor PNTL iha Munisipiu Bobonaro.



Durante monitorizasaun Diretora Ezekutiva FDCH Sra. Leila M.L. Carceres dos Santos entrega mos livru LDRH ba komandante PNTL Munisipiu Bobonaro.



Sesaun foto hamutuk hafain termina vizita estudu estudante 5CPOS-IDN iha Munisipiu Bobonaro.



Diretora Ezekutiva FDCH Sra. Leila M.L. Carceres dos Santos akompana husi ekipa halo monitorizasaun no akompana vizita estudu alunu 5 CPOS- IDN iha Munisipiu Covalima Postu Administrativu Tilomar.



Diretora Ezekutiva FDCH Sra. Leila M.L. Carceres dos Santos hato'o ninia intervensaun bainhira akompana alunu CPOS- IDN iha Munisipiu Covalima Postu Administrativu Tilomar.



Sesaun foto hamutuk hafain termina vizita estudu estudante 5 CPOS-IDN iha postu Polisia UPF Foho Lulik, Postu Administrativu Tilomar, Munisipiu Covalima.



Alunu 5 CPOS- IDN nêbe kompostu husi kapitaun F-FDTL no Inspetór PNTL , ativu halo diskusaun iha vizita estudu ba postu Polisia UPF Foho Lulik, Postu Administrativu Tilomar.



Diretora Ezekutiva FDCH Sra. Leila M.L. Carceres dos Santos akompana husi ekipa halo monitorizasaun no akompana vizita estudu alunu 5 CPOS- IDN ba Munisipiu sira nêbe termina iha Munisipiu Aileu.



Alunu 5 CPOS- IDN nêbe kompostu husi kapitaun F-FDTL no Inspetór PNTL , ativu halo diskusaun iha vizita estudu ba postu Polisia UPF Foho Lulik, Postu Administrativu Tilomar.



Diretora Ezekutiva FDCH Sra. Leila M.L. Carceres dos Santos akompana husi ekipa halo monitorizasaun no akompana vizita estudu alunu 5 CPOS- IDN ba Munisipiu sira, vizita nêe termina iha Postu Administrativu Remexio Suku Fadabloku.



Diretora Ezekutiva FDCH Sra. Leila M.L. Carceres dos Santos uza minuklu hodi haree fronteira entre Timor-Leste ho Indonezia bainhira akompana vizita estudu alunu 5 CPOS- IDN iha Munisipiu Covalima Postu Administrativu Tilomar.



Diretora Ezekutiva FDCH Sra. Leila M.L. Carceres dos Santos kuda ai-oan hafain akompana vizita estudu alunu 5 CPOS- IDN nêe termina iha Postu Administrativu Remexio Suku Fadabloku.

PERFIL FDCH



FUNDO DE DESENVOLVIMENTO DO CAPITAL HUMANO

1.KONA-BA FDCH (FUNDO DE DESENVOLVIMENTO DO CAPITAL HUMANO)

1.1.Estabelesimentu

FDCH hari no aprovađu husi Parlamentu Nasionál liu husi Lei no 1/II iha loron 14 Feveiru, Artigu 9 kona ba OGE 2011 baseia ba Artigu 32 Lei no 13/2009, 21 Outubro (LOGF) ne'ebé koalia kona-ba kriaun Fundo de Desenvolvimento do Capital Humano (FDCH).

1.2.Baze Legal

FDCH regulamenta liu hosi Dekretu-Lei foun nº13/2020 de 15 de Abril, Regulamento do Fundo de Desenvolvimento do Capital Humano no ne'ebe jestaun fundu nian kabe ba "Conselho de Administração" haktuir linas jerais ba politika governamental artigo 4.º.

Conselho de Administração do FDCH (Konsellu Administrasaun FDCH) hetan apoiu husi Sekretariadu Tékniku ida, ne'ebé dezempeña servisu Espesializada atu halo koordinasaun téknika ho orgaun governu ne'ebé iha nesesidade atu desenvolve programas no projetus ba desenvolvimento kapital umanu tuir área kompetensia ida-idak nian.

1.3.Objetivu

Objetivu Jerál ba estabelesimentu fundu nian mak: "atu desenvolve planu rekursu umanu Nasionál hodi apoia ba desenvolvimento Nasionál iha área oi-oin, mellora di'ak liutan planu, jestaun no implementasaun programa nomós garante lalaok programa ho ninia ezekeusaun orsamentu públiku ne'ebé transparente ho despeza governu nian relasiona ho kustus ba

formasaun, bolsa-estudu no programa ba desenvolvimento rekursu umanu iha Timor-Leste".

Estabelesimentu Fundo Desenvolvimento do Capital Humano iha ninia objetivu hodi hari'i hanesan mós atu:

- Asegura jestaun finanseiru ba investimentu públiku iha área formasaun no desenvolvimento rekursu umanu nasional;
- Garantia seguransa ba negosiasaun, asinatura ba akordu no projetu sira plurianuais;
- Mantein verbas orsamentu ne'ebé prevé ba FDCH iha final tinan fiskal ho objetivu atu garantia continuidade programa no projetu formasaun;
- Promóve transparênsia no responsabilidade liuhosi mekanismu no prosidimentu Relatóriu no prestasaun servisu sobre prosesu ezekeusaun programa formasaun no projetu desenvolvimento kapital umanu.

1.4.Funsaun Jerál

Sekretariadu FDCH iha funsaun Jerál, atu :

- 1.Koordena planu desenvolvimento rekursu umanu iha Timor-Leste, implementasaun no ezekeusaun orsamentu FDCH nian;
- 2.Avalia rezultadu atividades formasaun no bolsa-estudu;
- 3.Koordena ho parseiru hot-hotu ba qualidade.

1.5.Estrutura

Bazeia ba artigu 5. Dekretu-Lei n.º 13/2020, 15 Abril, Conselho de Administração do FDCH (CA-FDCH) kompostu husi Ministru Ensinu Superiór, Siénsia no Kultura (MESCC), Ministru Finansas, Ministru Justisa, Ministru Petróleu no Minerais no Sekretáriu Estadu Formasaun Profisionál no Empregu (SEFOPE). Ho nune'e, estrutura ba Conselho de Administração (CA-FDCH)

iha ninian kompozisaun mak hanesan:

1. Ministru Ensinu Superiór, Siénsia no Kultura (MESCC) nudár Prezidente ba CA-FDCH
2. Ministru Finansas – Membru Permanente ba CA-FDCH;
3. Ministru Justisa– Membru Permanente ba CA-FDCH;
4. Ministru Petróleu no Minerais – Membru Permanente ba CA-FDCH no
5. SEFOPE – Membru Permanente ba CA-FDCH

2. JESTAUN BA FDCH

2.1. Konsellu Administrasaun FDCH:

Konsellu Administrasaun mak orgaun ne'ebé halo desizaun iha Sekretáriadu FDCH. Papél konsellu nian mak atu fô konsellu ba polítika, aprovasaun no dirasaun kona-ba dezvoltamentu rekursu umanu iha Timor-Leste nomós programa FDCH no projetu sira iha Timor-Leste. Konsellu ne'e iha mós responsabilidade Jerál ba jestaun FDCH. Espesíficamente, Konsellu Administrasaun iha mandatu tuir artigu 6, Dekretu Lei mak hanesan:

1. Aprova planu asaun anual Fundu nian
2. Aprova proposta orsamentu anual Fundu nian
3. Aprova planu aprovizionamentu anual Fundu nian
4. Aprova relatóriu atividades anual Fundu nian
5. Aprova relatóriu kontas anual Fundu nian
6. Aprova relatóriu anual aprovizionamentu Fundu nian
7. Aprova programas, projetus no atividades seluk ne'ebé atu finansia husi Fundu, no mós estimativa ba kustu sira, bazeia ba prioridades ne'ebé estabelese husi Konsellu Ministrus.
8. Aprova opsaun sira ba finansionamentu kada programa no projetu ne'ebé atu finansia
9. Autoriza pagamentus no despesas tomak ne'ebé realiza husi Fundu CA-FDCH bele delga ba Diretór Ezekutivu kompeténsia sira ne'ebé prevista iha alínea g) to'o i) husi artigu 6.o Dekretu-Lei n.o 13/2020, 15 Abril, ne'ebé reflete iha parágrafu anteriór.

2.2. Enkontru Konsellu Administrasaun FDCH:

Regula iha 7. Dekretu-Lei n.o 13/2020, 15 Abril, Funsionamentu ba CA-FDCH nian, hanesan tuir mai ne'e:

1. CA-FDCH reúne, ordinariamente, tinan ida dala ida, no bainhira konvoka husi Prezidente liu husi ninia inisiativa rasik ka liu husi rekerimentu maioria husi ninia membru sira.
2. Diretór Ezekutivu konvokadu hodi partisipa mós iha reuniaun sira CA-FDCH nian, maibé laiha direitu ba votu
3. Bele mós konvoka entidade sira seluk hodi partisipa iha reuniaun sira CA-FDCH nian, maibé laiha direitu ba votu, no sempre konsidera katak sira nia partisipasaun ne'e relevante
4. CA-FDCH bele deit delibera bainhira direitu votu mai husi metade husi ninia membru sira ne'ebé partisipa
5. CA-FDCH delibera liu husi maioria simples husi ninia membru sira ne'ebé presente, Prezidente maka iha votu kualidade
6. Karik falta, auzénsia ka impedimentus ruma husi Prezidente,

Prezidente designa ninia substitutu entre restante membru sira CA-FDCH nian

7. Deliberaun sira CA-FDCH nian fundamenta no hakerek iha ata, ne'ebé elabora husi Diretór Ezekutivu.

Entidade ne'ebé responsavel ba operasaun tomak iha Fundo ne'e mak Conselho de Administração

2.3. Estrutura Orgânica Sekretáriadu Tékniku FDCH nian.

Artigu 12. Dekretu-Lei n.o 13/2020, 15 Abril, prevé estrutura orgániku-funsional Secretariado Técnico nian hanesan tuir mai ne'e:

- a) Diresaun Nasionál ba Planu, Peskiza, Monitorizasaun no Fiskalizasaun;
 - b) Diresaun Nasionál ba Koordenasaun no Ezekusaun Programas no Projetus no Jestaun ba Sistema Informasaun;
 - c) Diresaun Nasionál ba Servisu Pagamentus;
 - d) Diresaun Nasionál ba Administrasaun, Finansas no Rekursu Umanus; no
 - e) Diresaun Nasionál ba Aprovizionamentu.
- Diresaun Nasionál sira diriji husi Diretór Nasionál, tuir rejimi kargus diresaun no xefia administrasaun pública no imediatamente subordina ba Diretór Ezekutivu.

2.4. Papel Sekretáriu Tékniku FDCH nian

Haktuir iha artigu 8. Dekretu-Lei n.o 13/2020, 15 Abril, ba ezersísiu kompeténsia CA-FDCH nian, CA-FDCH hetan apoiu husi Secretariado Técnico do Fundo de Desenvolvimento do Capital Humano, designadu nudár Secretariado Técnico.

Secretariado Técnico nudár servisu apoiu ne'ebé integra iha estrutura orgánica Ministériu Ensinu Superiór, Siénsia no Kultura (MESCC).

Regula iha artigu 9. Dekretu-Lei hanesan, kompeténsia Secretariado Técnico nian maka hanesan tuir mai ne'e:

Presta apoiu tékniku no administrativu ba CA-FDCH

Koordena, akompaña no avalia teknikamente programa bolsa estudo hotu-hotu ne'ebé destinadu ba ema hirak ne'ebé laiha vinkulu ba Administrasaun Pública

Artikula ho Komisaun Funsiaun Pública (CFP) no ho Institutu Nasionál Administrasaun Pública (INAP), finansiamentu no implementasaun ba programas no projetus formasaun funsionáriu publikus, no mós akompaña no monitoriza programa no projetu sira

Asesora teknikamente CA-FDCH iha avaliasaun ba relevánsia projetu sira ne'ebé atu dezenvolve, no mós kona-ba nesiedade sira kona-ba ninia implementasaun

Koordena no apresia preliminarmente projetu sira ne'ebé propostu ba Fundu no submete ba apresiasaun CA-FDCH nian

Elabora programa no projetu sira ne'ebé aprova husi CA-FDCH Dezenvolve mekanismu nesésáriu sira ba definisaun projetu sira kona-ba bolsas estudo no formasaun téknika iha rai-laran no iha estranjeiru

Promove elaborasaun ka revizaun ba leislasaun aplikável iha

matéria bolsas estudu nian

Koordena prosedimentu sira ba abertura konkursu, selesaun pur méritu, atribuisaun bolsas, no mós prosedimentu seluk ne'ebé prevista iha lejislasaun sira ne'ebé aplikável iha matéria bolsas estudu.

Promove elaborasaun ka revizaun ba lejislasaun ne'ebé aplikável ba bolseiru sira, ho objetivu atu inkorpora mekanismu sira ba akompañamentu no forma sira ba avaliasaun ba sira nia atividades. Presta ka fô apoiu ba CA-FDCH iha opsaun sira ba finansiamentu investimentu públiku iha formasaun no dezvoltamentu rekursus umanus nasionais

Dezenvolve prosedimentu sira ne'ebé garante seguransa iha negosiasaun no asinatura akordus, programas no projetus plurianuais

Elabora relatóriu sira prestasaun kontas kona-ba ezekeusaun programas no projetus Fundu nian

Mantém arkivu ida ba atas reuniaun CA-FDCH nian

Hala'o tarefa sira seluk ne'ebé determina husi lei, regulamentu ka determinasaun husi superior.

Estabelese iha artigo 10.o Dekretu-Lei hanesan, Secretariado Técnico diriji husi Diretór Ezekeutivu FDCH, nomeadu liu husi rejimi komisaun servisu, tuir Lei, ho durasaun mandatu tinan 4, renovável dala ida deit ho períudu ne'ebé hanesan.

3. PROSESU NO MANDATU

3.1. Prosesu Submisaun Projektu iha FDCH

Iha artigo 8º husi Diploma Ministerial no 09/2011, koalia kona ba prosesu submete dokumentu projetu sira ba FDCH, hanesan tuir mai ne'e:

- Kompetênsia Ministériu sira no orgaun Governu nian sira seluk hodi submete projetu sira ba Sekretáriadu Tékniku hodi bele hetan konsiderasaun husi Konsellu Administrasaun;
- Sekretáriadu Tékniku maka responsavel hodi koordena ba halibur projetu sira ne'ebé propoin husi orgaun Governu nian, hodi bele submete ba hetan apresiasaun husi Konsellu Administrasaun, nune'e mós kona-ba implementasaun programa foun no projetu sira ne'e aprova husi Konsellu Administrasaun.
- Projetus sira ne'ebé submete ba Sekretáriadu minimu loron 10 antes enkontru tuirmai Konsellu Administrasaun nian.

Artigu 9º - Dokumentu sira ne'ebé akompaña projetus:

Projektu sira ne'ebé atu submete ba Sekretáriadu Tékniku ba Dezenvolvimentu Kapital Umanu ka ne'ebé dezvoltolve hela, tenki akompaña ho dokumentasaun téknika sira liuliu hanesan informaun tuirmai ne'e:

- Objetivu estratéjiku ba projetu;
- Parte ne'ebé envolve;
- Benefisiariu diretu;
- Fatin projetu;
- Durasaun;

- Kustu;
- Relevansia projetu;
- Espesifikasaun importante liu ba projetu;
- Nesesidade implementasaun;
- Impaktu ka efeitu husi projetu;
- Adekuasaun ba Programa Governu no kuadru legal atual.

Aprova husi aneksu diploma, ne'ebé sai hanesan parte integral ne'e maka pakote formulariu sira no sumariu ba deskrisaun projetu sira, inklui mós iha dokumentu tékniku hodi submete ba Konsellu Administrasaun.

Artigu 10º - Elaborasaun no apresiasaun preliminaru ba projetu:

Kompetensia Sekretáriadu Tékniku ba Dezenvolvimentu Kapital Umanu ba apresiasaun preliminaru kona-ba projetu sira maka submete ona, ne'ebé depende ba ninia kazu:

- Determina hodi haruka fila-fali ba Ministeriu proponente, karik seidaun kumpri rekeztu sira no formalidade sira maka prevista iha diploma ne'e no seidaun haree forma ou dokumentu adekua ne'ebé hato'o;
- Hato'o ba Prezidente Konsellu Administrasaun ita nia ajenda.

Kompetensia Sekretáriadu Tékniku ba Dezenvolvimentu Kapital Umanu mós kona-ba dezeña projetu sira ne'ebé definidu iha Konsellu Administrasaun, nomós preparasaun ba proposta projetu sira ne'ebé konsidera relevante.

Sirkulasaun entre membru sira iha Konsellu Administrasaun ba projetu ne'ebé mak atu avalia, akontese loron 3 molok enkontru Konsellu Administrasaun nian.

3.2. Mandatu Diretora Ezekeutivu FDCH

Mandatu no papel Diretora Ezekeutivu FDCH nian, hakerek iha Artigo 10º iha Diploma Ministerial no 13/2020, 15 de Abril 2020, kona-ba kompetênsia atu jere no tau matan ST-FDCH iha ninia funsionamentu lor-loron.

Aleinde ida-ne'e, Diretora Ezekeutivu Fundu nian hetan mós mandatu no póder husi Konsellu Administrasaun liuhosi DESPAXU n.º 1 /CA - FDCH/II/16, DELEGASAUN KOMPETENSIA atu bele iha responsavel masimu representa Konsellu atu:

- Dirije no orienta jestaun diária ba FDCH, liuliu despaxu ba arkivu no korrespondênsia ne'ebé tama, no asinatura ba karta ofisial sira mak haruka ba orgaun no servisu sira tutela ba FDCH ka entidade nasionais públiku no privadu;
- Jestaun no administrasaun ba rekursu patrimoniu ne'ebé mak atribui ba FDCH, tuir lei ne'ebé vigóra;
- Jestaun no administrasaun rekursu umanu ne'ebé mak atribui ba FDCH;
- Hala'o prosedimentu sira tuir lei aprovizionamentu, liuliu loke no adjudikasaun, nomós asina kada kontratu prestasaun servisu relasiona ho apoiu tékniku husi FDCH, to'o montante

masimu ne'ebé permite tuir lei ba Ministru ida;

- Hala'o prosedimentu sira tuir lei aprovizionamentu, liulu loke no adjudikasaun, nomós asina kada kontratu, relaciona ho fornimentu sasan, prestasaun servisu ka ezekusaun ba obra FDCH nian, to'o montante masimu ne'ebé permite tuir lei ba Ministru ida;
- Autoriza despeza/gastus ba orsamentu FDCH nian, hanesan responsavel masimu ba servisu, bele nomea responsavel balun hodi autoriza asinatura ofisial ba Formuláriu Kompromisiu ba Pagamentu (FCP/CPV), Orden ba Sosa (OC/PO), Pedidu no Orden ba Pagamentu (POP/PRT), nomós responsavel ba iha área administrasaun, área finansa, área lojística, nomós ofisiais sertifikasaun no autorizasaun iha Fundu, kuandu nesesariu;
- Aprova pedidu sira adiantamente no presiza hari'i prestasaun serbisu, nune'e mós verifika kada relatóriu;
- h) Aprova viajen asesor sira nian ou funsionáriu sira iha FDCH;
- Valida Planu Anual, Planu Aprovizionamentu no Planu Ezekusaun Orsamental;
- Valida Relatóriu progresu orsamentu no Relatóriu Anual Preliminariu.

3.3.Rekursu Finanseira FDCH nian

Fonte orsamentu FDCH nian mai husi dotasoens estadu ninian nebé hakerek iha livru orsamentu número 6 (Livro no 6) hodi deskreve programas prinsipais ba dezvoltimentu rekursus umanus nia iha Timor-Leste, liu-liu fahe ba programas ha'at (4), ma'ak hanesan:

3.3.1.Programa Formasaun Profissional (Kodígu Programa 810)

Maioria orsamentu ba programa ne'e, sei finansia ba atividades formasaun profissional iha Centro de Formasaun ne'ebé SEPFOPE (Secretária do Estado da Política de Formação Profissional e Emprego) halo konta ka tau-matan ba, inklui mós programa Liñas Ministeriais (LM) sira seluk ne'ebé konsentra ba formasaun funsionáriu ka empregadu sira nebé hasa'e kualifikasaun bada'en ka skills iha área enjñeria no sira seluk tan tuir padraun iha QQTL (Quadramento Qualificação de Timor-Leste) ka iha lian inglês ma' ak NQF (National Qualifications' Framework – NQF) ne'ebé sertifika husi INDMO (Instituto Nacional de Desenvolvimento de Mão de Obra) – SEPFOPE ba nível formasaun profissional no'mós husi ANAAA (Agência Nacional de Avaliação e Acreditação Académica) – Ministério da Educação (MdE) nian, nuudar izemplan: Padraun ba Sertifikadu 1 – IV hetan akreditasaun iha INDMO-SEPFOPE no padraun ba Sertifikadu V-IX (Diploma 1 – Doutoramentu) hetan akreditasaun husi ANAAA-MdF.

Programa ne'e iha ninian objetivu atu finansia Liñas Ministeriais (LM) sira nian funsionáriu hodi prepara no hasa'e kompetênsias abilidade timoroan sira nian, liu-liu ba jovens feto no mane bazeia ba ejijensia ba nesessidades industria ka mercadu traballu nian

ka habilidades ne'ebé ho natureza ka karater níveis sertifikasaun.

3.3.2.Programa Formasaun Técnica (Kodígu Orsamentu 811)

Programa ne'e fo'o apoiu tomak ba dezvoltimentu kapasidade funsionáriu Estadu nian ka agentes iha Estadu tomak ba área oin-oin, haktuir planu no prioridades governu nian ba setór hotu-hotu ho objetivu atu aumenta matenek no dezvoltolve nomós mellora di'ak liu tan prestasaun servisu agentes ka mákina estadu hodi serbii di'ak liu tan iha sira-nia servisu fatin.

Formasaun ba iha futuru mai sei depende ba rekeztu ka regras no leis Regime de Carreira husi Comissão da Função Pública (CFP) hodi nune'e bele assegura liu tan política estadu nian hodi hare ba kompetênsias no pozisaun funsionáriu idak-idak ida dezvoltimentu estadu ne'e.

Níveis no área ba formasaun sei adapta tuir regras da função pública, inklui mós prioridades estadu nian ne'ebé sei foti referênsia husi “Estudo Mapeamento Nacional ba Prioridades Recursos Humanos ba iha Setor Públiku no Privadu” ne'ebé halao husi Secretariado do FDCH ina tinan 2016 nian rohan (fim de 2016) ho orientasaun CA-FDCH nian nomós aprova iha Conselho de Ministro (CdM) iha loron 23 de Agosto 2016, hodi responde mós ba objetivu PEDN (Planu Estratégico do Desenvolvimento Nacional) 2011-2030.

3.3.3.Programa Bolsas Estudus-BdE (Kodígu Orsamentu 812)

Programa ne'e ninian foku no objetivu ma'ak atu finansia Timor-oan feto no mane hodi hetan oportunidade atu kontinua ba estudu nível ensinu superior hahu husi níveis Diploma 1 to'o nível Doutoramentu haktuir Quadramento Qualificação Nacional de Timor-Leste – QQNTL (National Qualifications' Framework – NQF) ba iha Universidades ka Institutu Superior sira tantu iha rai-laran no rai-liur. Áreas estudu sei haktuir prioridades governu no nesessidades nasaun ninian.

Oportunidade ba Bolsa de Estudo sei aplika ba funsionáriu estadu nian nomós públiku timoroan feto no mane hahu husi tinan 17 to'o tinan 50 depende ba níveis eskolar.

Prosesu Bolsa de Estudo sei liuhosi konkursu formal ne'ebé Ministério ka Instituisaun Estadu RDTL ida ma'ak tenki organiza ho aprovasaun husi CA-FDCH ne'ebé sei determina no aprova proposta mai husi LM ne'ebé mak organiza programa ne'e.

Apoiu finanseiru husi FDCH ba programa ne'e, bele liuhosi meus rua (2):

3.3.3.1. Programa Bolsa Estudo Kompleta (Full Scholarship);

Programa ne'e sei hetan apoiu másimu husi FDCH hodi selu ka kobre ba kustu Propinas Eskola, Kustu ba Vida moris nian

(Kustu de vida), Seguru/ Tratamentu ba Saúde nian no Transporte ka Bilhete de Viagem ba iha rai-liur (Ba & Fila – dala ida deit) wainhira remata estudu, kustu material didaktiku no Kusto balun tan hanesan peskiza ba finalista nian.

Importante ka obrigasaun atu estabeselese akordu memorandum entre Instituisaun iha Estadu RDTL ho instituisaun ensinu superior sira iha rai-laran ka ba iha rai-liur. Partikularmente ba iha rai-liur, instituisaun ne'ebé organiza programa bolsa de estudo tenki koordena mós ho MNEC (Ministério dos Negocios Estrangeiros e Cooperação) atu servisu besik ho Embaixadas RDTL iha nasaun hospedeiru inklui mós ho Consulados RDTL nian.

Atu FDCH bele aprova no ezejuta pagamentu ba programa ne'e, precisamente tenki iha dokumentus hanesan: MoU (Memorandum of Understanding), MoA (Memorandum of Agreement) ka Technical Agreement ba implementasaun programa ne'e entre instituisaun sira.

Parte seluk, tenki iha mós akordu kontratu entre instituisaun nebé organiza ho bolseiru sira hodi koalia kona ba “Deveres ka Obrigasaun, Responsabilidade, Sanksoens” husi parte hotu-hotu atu nune'e bele garante programa ne'e ninian sussesu.

3.3.3.2. Bolsa de Estudo Parcial (BEP) liu husi Subsídio Individuais (SI);

Aparte husi programa bolsa de estudo iha FDCH nebé liu husi prosesu konkursu formal organizadu husi LM ka FDCH rasik, haktuir matadalan ba formasaun no bolsa de estudo FDCH nian, iha mós verba ka orsamentu balun alokadu atu fo'ó subsidio orsamentu balun nebé sei fornese ba Timor-oan sira nebé estuda hela iha nível ensino superior, tantu iha rai laran ka ba iha instituisaun sira rai liur nian.

Objetivu husi apoio ne'e ma'ak hanesan tulun ida komplementar (subsídio complementar) ka hanesan ajudo ka apoio financeiro balun hodi fo'ó ba estudantes Timor-oan ida husi nível Diploma-1 to'ó fali nível de estudo Doutoramento, nebé iha valores ka notas escolar di'ak durante prekursu akadémiku nian.

Apoio subsidio ne'e sei fo'ó dala ida deit ba estudante ida dala ida wainhira hetan rekomendasaun husi Comité Avaliasaun Proposta Subsídios (CAPS) hodi elabora no hato'ó parecer ba CA-FDCH haktuir Artigu 11o ponto 3o iha Diploma Ministerial no 11/2011, 13 de Abril. Kompozisaun ba CAPS husi Secretário Executivo do FDCH nebé prezidi, membros ma'ak Coordenadores iha Secretariado FDCH nian, hanesan: GAPPEFIV, GARHI, GASEPA, GAPLO no GAGESI.

Kritérius jerais atu avalia ba propostas subsidios individuais no subsidios finalistas, ma'ak hanesan tuir mai ne'e:

Proposta subsidios tenki dirije ba CA-FDCH ka Presidente CA-FDCH hodi esplika necessidades estudo no dificuldade financeira nebé estudante ida hasoru. Maibe bele mós dirije diretamente ba Secretário Executivo do FDCH wainhira iha delegasaun competências husi CA-FDCH ka Presidente do CA-FDCH ka Ministro tutelado;

Dokumentus nebé presiza atu anexa ma'ak:

a) Carta Pedido ka rekerimentu dirige ba Presidente CA-FDCH ka Secretário Executivo FDCH nian wainhira hetan delegasaun;

b) Detalhes tabela orsamentu ne'ebé kobre deit ba (laos selu ba item tomak): Propinas (dala ida deit), Materiais Didaktika, Kustu Pratika ka Peskiza Finalista no Teze;

- Karta komprovativu (Surat Pernyataan) sei aktivu iha escola ka hanesan estudante finalista;
- Notas ka valores escola nian ka transcript husi hahu escola to'ó final (pelo menos notas semestre ida nian);
- Kópia Kartaun Estudantes (ID Card/ Kartu Mahasiswa);
- Kópia Kartaun Billete Identidade (iha proposta iha rai-laran) ka Kópia Passaporte ba iha estudante iha rai-liur;
- Kópia Konta Bankária ho número Swift Code/ IBAN no assina iha leten.
- Notas ka valores nebé hatama tenki atinji, pelu-menus:
- Valor notas em total 10 ba iha países/ nasaun CPLP;
- GPA ka total media ho 2,75 ba iha nasaun Inglêses;
- IPK ka total media pelu menus 3 ba Universidades Privadas no IPK 2,75 ba Universidades Públicos iha Indonésia.
- Ba estudante ida so bele hetan apoio subsidio dala ida deit. Ho razaun tamba FDCH tenki garante katak orsamentu sei disponível ba Timor-Oan hotu-hotu nebé mós iha direito hanesan.

Maibe se wainhira hetan rekomendasaun no aprovasaun diretamente husi CA-FDCH ka Presidente do CA-FDCH, pedido ne'e sei prosessa iha Secretariado FDCH ho rekizitus pagamentus nebé iha, inkluidu halo kontratu ba bolsa parsial nian, haktuir iha Diploma Ministerial no 09/2011, 13 de Abril, iha Ponto 3º, Artigu 11, nebé koalia:

“No caso de pedidos individuais de apoio por cidadãos Timorenses, compete ao Secretariado a coordenação da selecção por mérito e submissão dos mesmos ao Conselho de Administração.”

Programa ne'e, bele mós aplika, wainhira iha parceria entre estado RDTL ho Instituisaun ruma nebé fornese Bolsas metade ka Inan-Aman sira ne' be selu rasik sira nian oan, tantu atu kobre Propinas ka Kustu de Vida ka orsamentu ruma nebé hetan konkordansia atu fahe ka partilha recurso entre Instituisaun 2 husi Estadu RDTL ho parceiro ruma interna ka externa (rai-liur).

3.3.4. Tipu Formasaun Seluk (Outros Tipos de Formação) – (Kodígu Orsamentu 813)

Programa ne'e destinadu atu fo'ó apoiu ba áreas especializadas hanesan Instituisaun Seguransa, Defeza no ba área justisa ka ba Ministério Público.

Bazeia ba Livru do Orsamentu no 6, hahu kedas husi tinan fiscal 2011, wainhira fundo ne'e hari'i, tinan-tinan Secretariado do FDCH elabora proposta konaba planu programas tomak nebe mai husi Linhas Ministeriais (LM) acreditadas ba fundo ne'e, no apresenta ba CA-FDCH hodi hetan aprovasaun ba planus hirak ne'e, hafoin encaminha ba Direção Geral das Finanças do Estado iha Ministério das Finanças hodi halo sùmario no ajusta iha Livro no 6.

Hafoin, sumário nebé MdF kompila sei apresenta ba iha Comissão de Revisão do Orçamento Política (CROP) prezidida husi Primeiro Ministro da RDTL nudar Presidente do CROP.

Depois hetan tiha aprovasaun husi CROP, proposta orsamentu ne'e sei lori fali ba iha Conselho de Ministros (CdM) hodi deskute final no lori ba iha Parlamento Nacional atu hetan mós aprovasaun, antes atu lori ba iha Presidente da República atu promulga.

3.4. Relasaun Parceria entre Secretariado FDCH, Linhas Ministeriais no Parceiro Sira Seluk.

Programas nebé finansiadu husi FDCH, maioria financia planus no programas prioridades ba dezvoltimentu recursos individuos iha orgaun estadu tomak iha RDTL, inkundu LM, Orgaun Autonomas, Centro Formasaun, membrus CCI (Câmara do Comercio e Industria) no Públiku Timor-Oan tomak nebé assessu orsamentu liu husi instituisaun do estadu ida.

Setor privadu ka públiku Timor-Oan seidak permite atu iha ligasaun direta mai Secretariado FDCH atu iha verba rasik ka assessu rasik ba orsamentu no hakerek iha livru no 6.

Tanba ne'e, relasaun entre FDCH liu husi Secretariado FDCH

nian ho orgaun estadu no governu sira ma'ak sei halo parceria atu nune'e bele involve individu ka instiuisaun nebé deit hodi bele hola parte liu husi kontratu de parceria ruma hodi hetan apoiu orsamentu bazeia ba programa no prioridades mai husi LM sira no aprova dahuluk iha CA-FDCH.

"Sidadaun ida-idak ho nia planu ida ba moris, ho matadalan ne'ebe klaru no akonsellamentu adekuada kona-ba oportunidade ba edukasaun, formasaun no diferente opsaun profesional"
(Taur Matan Ruak, Discurso do 1º Ministro - Tomada de Posse 22 - 06 -2018)





VIII GOVERNO CONSTITUCIONAL
Ministério do Ensino Superior, Ciência e Cultura



Secretariado Técnico do
Fundo de Desenvolvimento do
Capital Humano (ST-FDCH)



**Ministério do Ensino Superior,
Ciência e Cultura**



**Secretariado Técnico
do Fundo de Desenvolvimento do Capital Humano**



**Diretora Executiva,
Juntamente com todos os Funcionários
do Secretariado Técnico
do Fundo de Desenvolvimento do Capital Humano,
Desejam um Feliz Natal e um Próspero Ano Novo**

2020-2021



SUBSCRIBE
to our channel

FDCH-MESCC



website oficial FDCH
www.fdch.gov.tl

**Eis Edifício do MF Edifício no.5, 1º Andar, Palácio do Governo,
Dili, Timor-Leste**